

يوسف لكل العصور

مسرحية سياسية اجتماعية كوميدية
درامية عصرية بالأشعار العامية
من وحى قصة سيدنا يوسف

صلاح عفيفي



السيد / محمد عبد الحليم بن خديجة

السلام عليكم ورحمة الله وبركاته - وبعد :

بناءً على طلبكم قدس بتمس وإرجاء صلح : لا يجوز في كل العصر
من جهة سيرة الأئمة في كل عصر من عصرهم ومن بعدهم من أئمتنا من وعظماؤنا
تليد بأن هذه المخطوطات ليس لها ما يتعارض مع العقيدة الإسلامية
ولا يقع من التصريح المبني بالتصوير والتسجيل شريطة أن يراعى الآتي :

- 1 - الالتزام في الإخراج بالمقتضيات الإسلامية .
- 2 - أن تؤدي الألفاظ القرآنية والأصناف الثبوتية أداءً سليماً وصحيحاً .
- 3 - عدم ظهور مسودة النص - من أي الله عليه وسلم - ولا صورة أحد
من الشجرة الخيرية بالخطبة . ولا أي صورة أو رسم أو كتابة أو شيء من
الأنشاء المنعرج التوثيقي .
- 4 - أن تساعد بعد التسجيل وقبل العرض على الجمهور بمسودات
والترجمة بالأمس .

والله الموفق

والسلام عليكم ورحمة الله وبركاته

مدير عام
إدارة البحوث والتأليف والترجمة

١٩٩٥/١٢/٤



تاريخاً في ١٤١٦/٦/٢٨
الموافق ١٩٩٥/١١/٢١

محمد عبد الحليم بن خديجة

بسم الله الرحمن الرحيم

مقدمة قصيرة

بسم الله الرحمن الرحيم (نحن نقص عليك أحسن القصص) صدق الله العظيم وقصة سيدنا يوسف نزلت في سورة كاملة من القرآن الكريم ولها جميع العناصر الدرامية.. كما تناولت الجوانب العديدة. سياسة وإقتصادية وإجتماعية. وليس المقصود من المسرحية هو الشرح والتفسير، فقد تناوله أئمة المفسرين، ولا سرد القصة مع إضفاء تفاصيل وحواشي، فقد تناول ذلك المثات من المؤلفات، وكان الاهتمام في هذه المسرحية بالنقاط الآتية:

* التأكيد على أن في قصص القرآن منهلاً إبداعياً يستقى منه من أراد من الكتاب.

* وعلى أن يكون التعرض لشخصيات الأنبياء أو ما يرمز لها بكل ما يليق بهم من تكريم واحترام.

* أن تكون الرواية هادفة في المعاني، راقية في الأسلوب، بعيدة عن الإسفاف والتزييف.

* فإذا وصلنا لهذا فسوف تكون بداية لظهور لمسرح الإسلامى.

* ولما كان اهتمام الناس في هذه الأيام بالمسرح والسينما والتلفزيون، فيجب أن نقدم لهم ما يشبع رغباتهم من الإنتاج المتميز لا مجرد الفكاهة أو التسلية، وإنما للاعتبار والموعظة الحسنة والدعوة لما فيه الخير والصلاح.

* الرواية مكتوبة بالعامية الراقية حتى تكون عبرتها في تناول الخاصة والعامية وحتى تكتسب صفة العصرية.

- * الرواية تربط بين الحديث والقديم :
- فالدينيا هى الدينيا بأحوالها ، والناس هم الناس بخائصهم، والمشاكل الاقتصادية والاجتماعية أساس واحد، وإن تغيرت صورها وأشكالها بتغير وتطور الأزمان والمجتمعات .
- * والصراع بين الخير والشر، هو الصراع الدائم إلى يوم تقوم الساعة.
- * السبيل للإصلاح ويتميز ببعد النظر والكفاءة وقوة الشخصية، مع التسامح والرحمة والخلق الكريم.
- * المسرحية هى تأكيد أن حكمة القرآن باقية مدى الأزمان، لكل كيان ومكان لجميع الشعوب والأوطان.

صلاح عفيفى

يوسف لكل العصور

يشارك في المسرحية:

المؤلف : أو الراوى المتحرك أو بطل الرواية فى حالة حلم
دائم يعاصر القديم مع الجديد.

أخوة يوسف : وعددهم عشرة خلاف بنيامين بلباس بدوية.
العـزـيز : زليخا - نساء المدينة- الشاهد بلباس فرعونية.
وفد الذئاب : البير (إكو).

السـجـانة : المساجين- الساقى - الطباخ .
البقر السمين : البقر الهزيل - السنابل الخضراء - السنابل
اليابسة- رجال الصوامع مع الجنود.

مجاميع يلبسون أزياء جميع العصور- مجموعة أطفال- فرقة شعبية-
استعراضات غنائية- موايل مداحين.

المسرح فى الفصل الأول

الأرضية والخلفية تمثل الصحراء- حواجز خشبية متناسقة- بانوراما
مضيئة فيها الشمس والقمر وأحد عشر كوكبا- البئر والدلاء فى
سقف المسرح- المؤلف نائم على مكتبة فى ركن قريب من الجمهور-
مجاميع تلبس ملابس جميع العصور.

المشهد الأول

(تابلوه الأحلام)

على فتح الستار : الدنيا حلم من الأحلام
وكلنا عايشين فى منام
نصلى ونرجع تانى ننام
الدنيا حلم كبير يلف
على عيون نائم ويتعرف
الجسم زى الريشه يخف
والروح بتكشف لما تشف
رؤيا..... تصدقها الأيام
جناح بيستبقنا ويطير
وكل حلم وله تفصيل
العبد يغلب فى التفكير
والرب من شأنه التدبير
وكل شئ فى الكون بنظام

يخرج التابلوه

(تابلوه المؤلف)

(يدخل أهل الفن والمؤلف نائم على مكتبه)

أهل الفن : إصلى من نومك يا مؤلف
بعدين عن نومك تتخلف
المؤلف : عندي أجازة

أهل الفن : مالهـاش عـازـه
دى الريشة فى إيدك غـمـازـه
والخبـير قـزـازـه ورا قـزـازـه
خد شـنـطـه وامـلاها بـضـاعـه
مسرح ... سينما... فيديو... إذاعه
أهرام ... أخبار ... آخر ساعه
نكته ... قفشه... حكايه إشاعه
والشغل كتير ويـتـحـدف

المجاميع : إصـحـى من نومك يا مـؤـلف
أهل الفن : غـيـرك بـيـبـيع فى تـلـات ورقـات
ويدور ويلف على مـحـطـات
وانت اللي ف نومك قطرك فـات
وراك طلبات..... وحاجات وحاجات
فـالـح تـتـجـوز وتـخـلف

إصـحـى من نومك يا مـؤـلف
المجاميع : بالذمه قـولـوا لى يا اخـراـتى
المؤلف : إيه خـدـته من سـهـرى لـيـلاـتى
غـيـر تـعـبـى وضـيـاع أوقـاـتى
إيه اللي اتغير فى حـيـاـتى
مشيت أسال على حالى وعندى كلام

لقيت السكة مشغوله وشفت زحام
ما فيش أوتوبيس يوصلنى ولا تاكسى
ما فيش فاضى ولا كرسى
شقيت لما انقطع نفسى
وخفت ل ينكتم حسى رجعت أنا
شدولى لحافى يغطينى
دلوقتى الشمس تصحبنى
حلال يا ناس واللا حرام
تصحونى من الأحلام
وانا عايش فى أحلى منام
سيبونى أنا سيبونى أنا
أهل الفن : إصحبى من نومك يا مؤلف

يا أهل الفن خلاص ح اتجن
المؤلف : مع الاحلام أنا ماضى
وفى ايدى قلم ماضى
لا متعاقد ولا ماضى
كفنايه عليكم الماضى
عجل بيلف ع الفاضى
وفاض بيا ومش فاضى
علشان أكتب كلام فاضى
سيبونى وروحوا للقاضى

لجمهور واعى بيحكم وبيقاضى
 ويبفرق ما بين ملىان وبين فاضى
 ولا يجـــــــــــــــــامل ولا يراضى
 تعالوا نحكم الجمهور
 وحكمه أخـــــــــــــــــير
 ومهما يقول أنا راضى
 المجاميع : احنا الجمهور لينا الكلمة
 الكلمة دى حاجه مهمه
 اتعب واغلب بس يذمــــــــــــــــة
 عايزين نتفرج ع الهمة
 ونقول مجهودك دا مشرف
 ادخل محرابك واتصوف
 صلح اوتار قلبك واعـــــــــــــــــزف
 اكـــــــــــــــــتب بالدم اللى بينزف
 واحنا بنســــــــــــــــقف وبنهـــــــــــــــــتف
 ونطيب جــــــــــــــــرحك ونخــــــــــــــــفف
 اصحى من نومك يا مــــــــــــــــؤلف
 المؤلف : أنا معاكم وأنا باحلم
 كــــــــــــــــأن الحلم راح ينطق
 ومــــــــــــــــين يدري ومــــــــــــــــين يعلم
 ومــــــــــــــــين بالغيب بيتنبأ
 مــــــــــــــــصير الحلم يصبح علم

أشـوفـه بعـينـى واثـقـق
وفى الاحـلام بنسـتنشـق
عبـير الفـجر بيشـقشـق
الحـلم ظـهر وبيـتكشـف
ويديـت اتعلم وا سـتكشـف
أقسـم بيـمين الله واحلف
لأحـرر قلمي المتكشـف
وامشـى ع الخط اللى بيـهـدف
واوصل للحق اللى بيـنصـف
المجـاميع: اصـحى من نومك يا مـؤلف
(يـخـرج أهـل الفـن)

(تابلوه الشمس والقمر)

مـداحين : ح تلاقى فى الحـلم العظـيم
رؤيه جـديده ف القـديم
قـصة نبينا الكـريم
مـجـاميع: يوسف عليـه السـلام
مـداحين : حكمة زمان دايـمه على مـر الزمان
مهما اخـتلف ابطالها واخـتلف المكان
وفى كل عـصـر وأوان
بيـحلى فـيها الكـلام

(تنزل بانوارها مضيئة فيها شمس وقمر وأحد عشر كوكبا)

الحلم شمس وقمر وكواكب أحد عشر
فى حضرته ساجدين
منام رآه الغلام والمعنى خير وسلام
يقول ويحكى لمين
حكى لابوه ما رآه سعى عليه ورقاه
م العين وم الحاسدين
يعقوب عليه السلام وله كريم المقام
نبي وم العارفين
رأى وكله نظر بلاش يشيع الخبر
يسلم من الكايدين
بشرى لابنه الوسيم ح يكون له شأن عظيم
فى حياته دنيا ودين
مفتوح له فى رؤياه باب السما ودعاه
مقبول..... وقول آمين
دا الحلم شمس وقمر وكواكب أحد عشر
فى حضرته ساجدين
لما يبان الفال ماتقولش للعزال
لو سيرته طلعت على لسانا صبح موال
وفيه نعيد ونزيد عليه وقلنا وقال

مــــــــــــــــوال: كل اللى دار فى خيال واللى خطر على بال
حتى اللى نحلم بيه بلاش كمان ينقال
يكفيننا شر العين باصه وفيها ضلال

مــــــــــــــــوال : إقننى بخت جديد واحلم بحظ سعيد
اتدارى م العيين وحاسب من قريب وبعيد
دارى على شمعتك تقيد ونورها يزيـد

اغنية مجاميع : (أداء ملحمى)
المجــــــــاميع : يوسف يابدر البدور هداك نشيد الطيور
شذاك عبير الزهور يوسف لكل العصور
قمر ولما أــــــــمــــــــر مولاك ونورك ظهر
ملاك فى توب البشر يا بشرة اللى صبر
يا بخت مين يعتبر طول ما الزمن بيدور

يوسف لكل العصور
على كل لون الحياه العبد طوع مولاه
صابر على بلواه وف عزته والجاه
سبح بحمد الله وم السجون للقصور

يوسف لكل العصور
عطشان فى بير مليون حيران مع السجان

إنسان وعمره ما هان ولا غدر ولا خان
له عزم له إيمان وف قلبه نور على نور

(تابلوه الغيرة)

يدخل إخوه يوسف وعددهم عشرة يرتدون الجلابيب

اخوة يوسف : يوسف فـاق عـنا بـجـمـالـه
بالتبادل : هو واخوه حيلة أبوه يا هنيـا له
مـتـمـيـز عـنا بـدـلا له
يعنى مافيش غيره فى عياله
مـا احنا ولاده ومش على باله
يعنى نسيب الشيخ فى ضلاله
يبقى ح يفضـل كـده على حاله
الغيره مره بتكونا .. ونارها بتشعلل فينا
ويا ما قلنا يا أخينا .. هوانت يعنى مافيش منك
احنا كبار وشداد عنك .. ويفضلك هو علينا

**يستمر إخوه يوسف فى المناقشة ولكن تختفى أصواتهم
وتدخل أغنية الغيرة.**

الغيره آه منها الغيره الغيره بتربى الحيره
صورة الانسان اخلاق ولسان

واللى فى الصورة مالهوش مكان
غيران... حيران... قلقان... تعبنا
اما الاتسكان حلو السيره
بيبان ويظهر فى الصورة
عقلك ياكبير لسه صغير
مشغول الفكر ومتحير
نارك بتشعلل وتطير
واتعكر دمك واتغدير
وشك مقلوب م التكشيره
اصحى واتنبه لمصيرك
عود لضميرك.. ايه ح يضيرك
ان شفت الخير فات على غيرك
ادعى له وقول كتر خيرك
والمولى افضاله كبيره
الغيره تسبب تعذيبك
الحيره توديك وتجييبك
حظك لاتسيبه ولا يسيبك
ونصيبك هو الى يصيبك والدنيا احوالها كثيره
الغيره آه منها الغيره

(يخرج استعراض الغيرة ويظهر صوت إخوة يوسف)

اخـوه يوسف : العقل اختل شوفوا لكم حل
بالتبـادل اقتلوا يوسف لا بلاش القـتل
لازم يـبـعد عنه وعنا
لو نرتاح منه ح يفضى لنا
نعمل رحله وناخده معانا
وح يرضى ببـعدته وبانا؟
ح نقوله ح ببقى فى حمانا
وساعتها نعرف نخفه
نطرحه فى الارض ونطويه
بس أبوكم مش ح يسامح
ويحكم ذنبه واكثر
بكره ح ينسى حكاية امـبارح
واحنا نتوب بعده ونستغفر
ياما ذنوب عنها بنكفر
ياللا نخطط ياللا ندبر
نرميه فى البير ونسيبه فى البـاره
اهو ببقى هو ونصيبه يمكن يلقاه السياره
نرميه فى البـير.. نرميه فى البـير

(تابلوه البير)

(يخرج اخوة يوسف وينزل البير من أعلى المسرح)

المؤلف : ظلم الناس فى الدنيا كتبر
والمولى للمعدل نصير
مهما تشوف نفسك فى امان
يا غدار سرك ح يبان
ولا يخفى حتى لو كان.. السر فى بير
مجاميع : السر فى بير السر فى بير
الاطفال : يا أحلى الخلوين سلامات
أوقاتك هى الأوقات
مهما زمانك عدى وفات
ياللا نزور البير ونور
حوالين منه سبع لفات
ونولع له سبع شمعات
بير يوسف يا بير.... احكى لنا يا بير
ع السر الخطير....
الاسرار فى الدنيا كتير
البير (اكو)
يعلم بيها سميع وبصير
ياللى حيران.. روح للايمان.. ح تلاقى امان
ياللى عطشان ادلى بدلوك.. يطلع مليون

خد ما يرويك لما يكفيك.. وابقى املا كمان
 املاه بالخير واديه للغير
 واثوى الاحسان وانت الكسبان
 ودا فـرض عليك لو كنت غنى
 وثوابه كبير لو كنت فقير
 الاطفال : بير يوسف يا بير.. احكى لنا يا بير
 البير : يا مامليتم وأنا يا ما كتمت كتير
 فى وسط صحرا ومزروعه رمال وهجير
 اسقى اللى مات م العطش ماء الحياه أكسير
 حتى المثل بيقول.. السر اصله فى بير
 الاطفال : بير يوسف يا بير.....
 البير : يا خوفى ع اللى يقع ويطب جوايا
 يتوه مايعرف ولا بدايه ولا نهايه
 يدخل فى ثوب الظلام يتلف ويايا
 اللى دخل مفقود.. واللى خرج مولود
 وليا صاحب نزل له م السما آيه
 عناية المولى ما فى بعدها عنايه
 مين غيره يرحم ومين يسمع ندا المستجير
 مسدحين : هنت يا يوسف ع اللى فساتوك
 واخواتك هم اللى رموك
 جالهم قلب ازاي يسيبوك
 حرموك من أمك وابوك

آه من قلوب على نار
مستتير في الدار
ودموع ألم ومزار
ع اللي خرج مشوار ولا اتعرف له مصير
بئر يوسف يا بئر

البير: جم بعض سياره يدلو دلوهم يملوه
طلع معاهم غلام فرحوا به لما لقوه
صروه بضاعه وراحوا ع البلد يبيعه
وان كان طلع من بئر.. الدنيا بحر كبير
الدنيا بحر كبير

مداحين: هنت يا يوسف ع اللي لقوك
زهدوا فيك ع السقوق ودوك
بدرهم معدوده باءوك
لولا المال ماكنوش نجودوك
آه يا زمن خداع

لما الاصيل ينبع
والحر يبق متاع
بين مشترى وبيع
وآه وآه من فراق الأهل والواجع

البير يصعد إلى سقف المسرح

الاطفال : يا أحلى الحلوين سلامات أوقاتك هي الاوقات
مهما زمانك عدى وفات
ياللا نزور البير وندور حوالين منه سبع لفات
ونولع له سبع شمععات
بير يوسف يا بير..... احكى لنا يا بير

يدخل اخوه يوسف العشرة و معهم قميص ملوث بالدم

إخوة يوسف : السر فى بير ودارينا عليه
وارتحنا خلاص ح نخاف من ايه
وان سالونا راح فين اخونا ح نقول راح فين
راح نيكى عليه بدموع العين
يا أخونا يا غالى علينا
يا حبيبينا يا ضى عينا
دا اللى جرى لك مش بأيدينا
وياريتنا لا رحنا ولا جينا
مجاميع : أخوكم فين.. أخوكم فين
إخوة يوسف : طلعنا نجرى نتسابق
وفى قارب المتاع فتناه
رجعنا والقضاضا سابق
لقينا الديب فى بطنه طواه
الديب خطفه بين أنيابه

يتغدى به ويتعشى به
أدى قميصه ودمه عليه
وح نعمل ايه غير نبكى عليه
مـــــــــوال : ياما عيون تدعى بالدمع وتدارى
أما اللى جوا القلوب المولى بيه دارى
ما تصدقوش م الدموع غير اللى متدارى
المؤلف : أبوه من بدرى كان عارف
كانه للقضا شايه
وقال لاتغفلوا عنه
وقال م الديب أنا خايف
وقبل ماسلمه ليكم حلفتكم أغلظ الايمان
تخلوه جوا فى عنيتكم ويرجع له سليم متصان
(المؤلف يأخذ منهم القميص)

قميص يوسف يكذبكم وكام كدبه كدبتوها
قميص عجب وعجاب مفتوح كانه جواب
يحكى عن اللى غاب ويظمن الاحباب
لو كان صحيح انصاب كان بان أثر للنباب
ولضفر وحش الغاب الغدر له أسباب
والمكر صاحبه خاب والصبر يا يعقوب
وع القميص مكتوب دا كل ده ملعوب
والدم ده مكذوب والدمع ده كذاب
أخوكم فين..... أخوكم فين.....

مـداحين : بكرة الحقيقة تبان مهما الزمان طول
والغدر فى طبعكم باين من الاول
وسولت نفسكم والنفس بتسول
يكفيننا شر النفوس لما بتتحول
المؤلف : كل الامور بتتغير وكل سر بينكشف
حتى القميص بيقول لكم عندى الدليل على كذبكم
ومصممين على الخطا من بعد مانشال الغطا
الدنيا دى أخذ وعطا وفيها محسوبه الخطا
ما تفكروا ان السلف كله تلف
إخوة يوسف : الديب هناك روحوا اسالوه واستجوبوه
ولما ببقى يقول لكم.. لتصدقوه.. لتكذبوه
الديب هناك روحوا اسالوه
المؤلف : الخلق دى مستهبله بيعملوها ياوله
وبيتهموا ديب الفلا حانجيب لكم ديب الفلا
ونسأله على المسأله
الديب يحل المشكله تعالى يا ديب الفلا
حدش شاف الديب الديب يا شطار
الأطفال : أيوه شفتاه ... شفتاه وعينيه بتطق شرار
المؤلف : الديب بيعحسوم من حوالينا
الديب بيعفوت من وسطينا
الديب بيدب فى خطاويننا
الديب ويانا ليل ونهار

الديب وصل..... الديب دخل
الديب فى صحن الدار

(يدخل وفد الذئاب العصور ذئب كبير، يلبس رد نجوت وذئبة
تلبس جونلة، وذئب صغير بملابس جينز ووجوه (ماسك) واطافر
الذئاب، حيث يقفون وراء حواجز غير متناسقة تمثل قفص
الانتقام والمؤلف على المكتب يمثل القاضى)

المؤلف : إحكى وقول يا ديب إزاي قتلت الغلام
وازاي أكلت اللحوم وإزاي نهشت العضام
إحكى وقول يا ديب
الذئب : من عضه الجوع ومن أجل الحياه أنقض
وأملأ بطنى وأكل طقتى وانفض
أما ابن آدم شبع وعنده داء العض
فيه ناس تعيش بالطول وناس تعيش بالعرض
وناس تبيع لحمها وناس يتاكل بعض
والخلق من ظلمها كادت تهد الأرض
وإن كثرت الأشواك زرع المحبه يخيب
مجاميع : ظلموك يا ديب ولا حد غيرك يا ابن آدم ديب

الذئب : أنا لما اعض في اخويا ببقى عندي عار
أنا أفوت عضمتي لديب قريب أو جار
أنا أخاف م العصا وأخاف كمان م الشرار
أما ابن آدم عصى ولا خاف عذاب النار
أسرح أنا بالليل... وهو ليل ونهار
عمال يغور ويجور حتى عليا جار
ما عرفش إن الحساب مطلوب ويومه قريب

مجاميع : ظلموك يا ديب
الذئب : احنا الديابه وباما الغابه فيها وحوش
ماناكلش من لحمنا وعن الضنا بنحوش
كل الوحوش طبعهم بالأخ ما يضحوش
إلا ابن يعقوب وليه إخوانه ماتنصحوش
ونابه منهم أذى وتابنا ما جرحوش
لو صاحب الوحش يمكن كان لقي له حبيب

مجاميع : ظلموك يا ديب
الذئب : الضبع في الطبع أرحم م البشر بكتير
لا يحسد الغير ولا يبحقد ولا يغير
لا كذب لا مكر لا تضليل ولا تشهير
ولا مؤامره ولا تدبير ولا تزوير
وانتم وراكم ايه ياللى حداكو ضمير
ويتدعوا الفضل والمدنيه والتهذيب

مجاميع : ظلموك يا ديب
الذئب : أنا برئ من جريمه منها با تألم
وان كنت مذنّب راح استشكل وح اتظلم
واقول غريزتي ياناس فيا بتتحكم
اما ابن آدم.. بيتربى ويتعلم
ولو وصل للقمر بالعلم واتقدم
جواه دياه بتعوى ونايها بيعلم
ايه فايده العلم لما يسبب التخريب

مجاميع : ظلموك يا ديب
(تخروج الذئب وراء الحواجز، ويدخل اخوة
يوسف مكانها منحنى الرؤوس)

المؤلف : با ناس قلوبكم حجر يا للى ضميركم غاب
ظالم ياجنس البشر مظلوم ياحش الغاب

نزلت براءتك وليهم فى الكتاب تكذيب

الاولاد : فتى فى سن الزهور الدنيا يتفتح
الحسن حسن البدور وف طلعتاه امّ ملح
بايت على وعد يخرج بكره يتفسح
من أول اليوم لحد الشمس ماتروح

يمرح ويرمح .. ويتبجح ويتمرجح
صاحي من النسمه قبل الفجر ما يصحصح
لا بس قميصه ومتسرح ومتريح
مـداحين : خرج من الصبح لا اتفسح ولاروح

فى غيابة الجب وسط الصحرا مطوح
يا عيني ع الأب لما القلب يتجرح
يا عيني ع الأم لما تبكى وتنوح
بعدك يا يوسف ما عاdash الفرخ له مطرح
المؤلف : يا دنيا ليها العجب اشكال

على السوان
الظلم من غير سبب ولا عاdash فيها امان
نعمل حساب العدو يغدر بنا الخلان
والوحش بنروضه يتوحش الانسان
وديتو فين لحكمكم يا عصبية الطفغيان
يا مروحين وحدكم ومعاكم الاحزان
الوعد كان وعدكم تصونوه وختتم ليه
والعهد كان عهدكم وما كنش شئ بإيديه
ما فضلش غير القميص راجعين بتبكوا عليه
المؤلف : بص وشوف بص وشوف

آدى قميص يوسف معروف
بص وشف واقر المكتوب
ولا بيدوم غير المعروف

ياما الظلم بيعمى قلوب
اعمى القلب ازاي ح يشوف

المشهد الثانى الفتنة

بهو قصر العزيز - اثاث فرعونى فخم المتكأ، وأبواب للداخل -
والجزء الأمامى من المسرح المواجه اوطأ درجة، ويمثل الشارع)
(العزيز و زليخا جالسان يتحدثان فى البهو)

مـداحين : صبح المكان غير المكان واللى انحرم من الحنان
يا هل ترى آن الاوان يرتاح ويشعر بالأمان

مجاميع : المستخى راح بيان ومين بيصلى له الزمان
العزيز : شفت الغلام اللى اشتتريناه
زليخا : جميل وفى حسنه يا محلاه
العزيز : يوسف ح يتتربى هنا وترعاه
زليخا : قلبى انفتح له وانسعد
مما احنا اتحررنا م الولد
العزيز : انا قلت ينفنعنا ونتبيناه

ووصايتى ليكى تكرمى مشواه
زليخا : وصيتك غاليه على راسى وعنيا
واللى تعوزه منى راح تلقاه
(يخرجان)

(أداء ملحمى للمجاهيد)

يوسف ويامحلاك فى طلعتك وبهاك
سبحانه من أنشاك
أواك فى قصر كبير
ومن ظلام البير وم الهلاك نجاك

وعلمك يا جميل
الحكمة والتأويل وزودك بتقاك
سبحانه من أنشاك
مداحين : دارت سنين واياهم وعاش فى خير وسلام
بلغ أشده وفائق بالعلم والاخلاق
حفظ جميل مولاه ونبغ بفضل الله
هو القدر عنه صفح
ومد إيده واصطلمح والا مخبى إيه كمان؟

(تدخل امرأة العزيز في ملابس الغتته)
تابلوه

مجاميع : المستخبي راح بيان ومين بيصفي له الزمان
المؤلف : القصر قصرها والامر امرها
على ايه متحيره ناويه ومسدبره
وايه مستنظره وكاتمه في سرها
فتاها عندها ومناها يوردها
وازاي ح يصدها ويقاوم سحرها
دا القصر قصرها والامر امرها
مجاميع : القصر قصرها والامر امرها
زليخا : حكم الهوى فيا والقلب له غيه

على ايدي ربيته
وف لحظه حبيته واحلو في عنيا
المؤلف : أيام بتتغير
ركبرت يا صغير شويه بشويه
زليخا : تملى قدامي
بيصحي احلامي في الراحه والجايه
ح افرش له من وردى
واغلى ما عندي ح اقدمه هديه
المؤلف : سيبك من الافكار

وما تلعبيش بالنار يا مبيتته النيه
زليخا : إن كنت غلطانه
انا برضه إنسانه محتاجه حنيه
انا ورده عطشانه
على عرودها دبلانه مشتاقه للميه
المؤلف : عايشه فى قصر كبير
والخير حداكى كتير يكفى ولا ميه

زليخا : لا جاه ولا سلطان
يغنى عن الحرمان اللى انكتب ليا
حكم الهوى فيا والقلب له غيه

(زليخا تتجه فتغلق الأبواب ثم تدخل باب الحجره)
(غناء على موسيقى زقه)

متزوقه له ولا بسه له
فيايقه ورايقه وناويه له
وحالفه ماتسيبه فى حاله
مغلقه الأبواب .. مهياها الاسباب
وكل ده ولا على باله
ولا دارى باللى ح يجبرى له

(تابلوه الفتنة)

مجموعة الفتنة بنات جميلات فى ثياب حمراء ، وشبان فى
ثياب مودرن - ومجموعة التقوى بنات فى ثياب ملأئكية
بيضاء ، ورجال لهم مظهر خشن .

الفتنة : قرب قرب .. قرب قرب ولا تستعجب ولا تستغرب
عيش واتنعم .. ليه تتعذب ليه تتهرب
راح تستطعم لما تجرب قرب قرب .. قرب قرب
التقوى : حلق حوش .. حلق حوش اخزى شيطانك ماتطاوعوش
سد ودانك مهما يزن ماتسمعوش
علشان يطلع كيده فاشوش حلق حوش .. حلق حوش
الفتنة : الدنيا بتنادى عليك
الفتنة بتترقص حواليك
كل الحسنة دا ملك ايديك
حظك جالك ماتفتتوش
التقوى : المولى لو يرضى عليك
تزهد والدنيا فى ايديك
ولا يحلو حرام فى عينيك
حتى الظن ماتتبلهوش
الفتنة : احبابك واقفين على بابك
مستنين ردك وجوابك

لو راح يوم ماتعوضهوش
 قلب المزمّن صافى وطاهر
 زى الفل الابيض ناضر
 وضمير حى وصاحى وحاضر
 واللى يآمنك ماتخونيهوش
 ساعة حظ مع المحبوب
 تسعد ويا الحب قلوب
 لما تعجز تبقى تتوب
 ونصيبك ما تضيعهوش
 حاسب واعرف مين بيحاسبك
 حرر روحك طهر قلبك
 فيه قدامك برهان ريك
 هو دليلك ما تخالفهوش
 الفتنه : قرب قرب
 التقوى : حلق حوش

(مجموعة التقوى تضرب مجموعة الفتنة وتخرج)

تخرج زليخا من الحجرة وفى يدها قميص يوسف)

زلیخا : دقت الحلاوه مرار و جریٔ و راه مشوار

مین الی عبد ذلیل غیر قلب ست الدار

وايه ح يشفى الغليل وايه ح يطفى النار
العزیز : فیه ایه هنا بیجری
(یدخل ومعه الشاهد)
زلیخا : فی البیت وانا به
شوف ایه جزاء مخلوق
أراد بأهلك سوء
من بعد ما نرعاہ نأویہ ونتبناه
آه آه

العزیز : قوللی ایه الحکایه
من البدايه للنهائيه
زلیخا : یوسف وانا قاعده لوحدی
بصیت لقیته دخل عندی
وتریس الباب من جوه
شقیتم قمیصه وقطعته
وجریت علی الباب وفتحتہ
لیغتصبنی بالقوه
المؤلف : یوسف بینکر کل کلامک
بیقول علیکی انتی راودتیہ
وکان بیجری من قدامک
ومسکتی فی قمیصه قطعته
زلیخا : یادی الاساءه یادی الجراہ
یتهم ذات الحسب ذات النسب
وبدعی لنفسه البراءه

له عين بيتكلم ظالم يتظلم
وكمان بيتجنى
لابد يتعذب وعشان مايتأدب
فى السجن يستنى
آه..... آه.....

الشاهد : أنا عندي حل ما بين الاتنين
نقلب قميصه على الوشين
عشان نشوف القطع منين
لو كان مقطوع من صدره
صدقت وهو اللي كذاب
وان كان ممزوع من ظهره
كذبت وكل كلامه صواب
مجاميع : الصدق بيان فى العين
والكذب مشالوش رجلين
ورونا القطع منين
(المؤلف، يتناول القميص)

المؤلف : آدى القميص من ظهره
ممزوع مقطوع
وصاغ سليم من صدره
وما فيهش قطع
مجاميع : آدى القميص

العـزـيز : كان مين بيـجرى ورا التـانى
وبيمسك فيه وانتو بتـجروا
المؤلف : هو اللى كان هريان منها
وهى عـمـاله تجـره

القاضى له بينه ع العدل بتدله
والباطل المدعى يشهد عليه اهله
زليخا : آه آه

المؤلف : البس قميص الشرف يفرد عليك ظله
وابعد عن اللى انحرف واللى الشيطان ضله
يا اهل الترف ياللى بالقمصان بتتعاجبوا
هو القميص يتعرف إلا على صاحبه
الوقت راح واختلف.... واللبس مش كله
شاهد ومن اهلها عنده الدليل ظاهر
قميص بيثبت براءه يوسف الطاهر
زليخا : آه آه

المؤلف : ياما اختلفنا مابين باطن وبين ظاهر
وياما شفنا القوى بالضعف يتظاهر
والدمع أنواع ويستعمل من الظاهر
زليخا : آه آه

العـزـيز : مش أنتى فضيتى المكان عشان الجو يخل لك
وانتى اللى غلقتى البيان وكان السوء على بابك
وانتى اللى اغراكى الشيطان وهيا لك واوحى لك

زليخا : ازای بتتجنی علیا

وتصدقہ وتظن فیما

طاوعیننی یا دمعتی جوزی مغلبینی

من بعد طول عشرتی راجع یکدبنسی

آه آه

المؤلف : فیہ حکمہ واسمعہا یا زمان

عن اربعہ مالہومش امان

المال ولو کان ملو الجیب

مجامیع : مالوہش امان

المؤلف : الحاکم الی قریب وحبیب

مجامیع : مالوہش امان

المؤلف : الدهر لو یصفنا علی طول

مجامیع : مالوہش امان

المؤلف : والواحدہ مہما العشرہ تطول

مجامیع : مالہاش امان.... مالہاش امان

العزیز : راح اقولہا لك كلمہ صریحہ

اسمعی منی النصیحہ

احنا مش ناقصین فضیحہ

استغفری صبح ومسا

وقبدری عفو الکرم

وامشی بنیہ کویسہ

راح تتقی غصب الحلیم

ودا كله من كيد النساء
دول كيد دهن عظيم

(يخرج العزيز والشاهد)

زليخا : اندم على ذنبي وللا على حبي
وابكى على غلبي وللا على قلبي
واشكى لمن حالي
والكل عزالي وماليش حبيب جنبي

(تندفع مجموعة النساء إلى المسرح يتهاشن)

مجاميع : اسرار كثير جوا القصور
بتنط من شباك وسور
اصل الحيطان ليها ودان
والسر مهمما يختفى يرجع يبان
وتدور وتدور
اسرار كثير جوا القصور

(النسوة يتبادلن الحديث دون أن يظهر الصوت)

زليخا : قولوا للعوازل مايلوموش
دول اصلهم مايعرفوش

ومهمما كنت اوصف لهم
واحلف لهم ما يصدقوش
(النسوة بصوت مسموع يتبادلن الحديث)

النسوة : ماهو ده اللي حصل.. واللى جرى واللى وصل
حرم العزيز.... ليها عزيز
ع القلب غير جوزها العزيز
شوفو تبقى مين ويبقى مين
وهو فمين وهى فمين
يادى العيبه ويادى الخيبه
عيبه بالكيله وخيبه بالوبيه
لو خلفت كان يبقى من سن ابنها
نسيت مكانها وسنها
دا كله يطلع منها
مجاميع : ومكتمين قال ع الخبر ولا اذيع ولا اتنشر
النسوة: حليلك واللى عشت معاها فى عز وجاه
ولا حارمك ولا هاضمك وفيه غيرك بتتمناه
وايه بس اللي ناقصك.. ايه
وليه عيذك تزوغ كده ليه
وكان أولى تصونى هواه
مايتخافيش ولا بيهكم مابتختشيش على دمك
مايتلاقش حد يلصك مافيش دوا يكسر سمك

زليخا : على ايه بقى ننكسف ماعادش فيها كسوف
 لما الورق ينكشف نلعب على المكشوف
 انتى اللى عامله صاحبتى وسكتك من سكتى
 عماله تهري وتنكتى ونازله سلخ فى فروتى
 قلى قارشه ملحتى طب كنت داري واسكتى
 وانتى كمان بتتغمزى وتلمزى
 ولقبيتى نفزة تنغمزى
 اتننأرزي واقتمهمزى
 بايبره ولا بتتجوزى
 خليكى لما تعجزى
 عماللى يا اختى ابصر ومدرک
 عينك فى عيني انا كاشفه امرك
 سايبه ودايه على حل شعورك
 ومن لسانك ايه اللى جورك
 مش عارفه ان الكلام يضرك
 وانتى يا غاويه هيصه ودوشه
 وفاهمه يعنى قفشتى قفشه
 مسكينه عندك يا عيني روشه
 وانا اللى حلوه وانتى اللى وحشه
 مجاميع : على ايه بقى ننكسف ماعادش فيها كسوف
 لما الورق ينكشف نلعب على المكشوف
 زليخا : من بدري وانتم ماسكين فى سيرتى

ولو عـرفـتم فى الحب بـخـتى
يصـعب عليكم غـلبـى وحـيـرتى
تعالوا عندى وزورونى شوفره عشان تعزرونى
الليلة من بعد العشا
بدل الخشـشا والودوده والوشوشه
اتفـضـلوا وكـمـلوا
بـاقى الحـديث والـدردشـه

(النساء يخرجن من باب التابلوه ليدخلن من باب البهو)

مـجـامـيع : بـعد العـشا ... يـحـلـا الحـديث والـدردشـه
الـلـيـلـه انس وفـرفـشه وندشـه ونـعـنـشـه
زليـخـا : اـهـلا وسـهـلا شـرفـتـونا وآنـسـتـونا
يـوم المـنى يـوم مـا تـجـوـنا
النـسـاء : يـا حـبـة عـنـينا يـا غـالـيـه عـلـينا
هـو اـحـنا نـقـدـر نـسـتـغـنى عـنـك
والـا اـحـنا لـيـنا أـعـزـز مـنـك
زليـخـا : البـيـت بـيـتـكم خـدوا راحـتـكم
ورـيـحوا ورـحـرـحوا ع المتـكا واتـيـحـبـحوا
مـجـامـيع : ع المتـكا القـعـده آخـر انـتـكـه
مـا اـحـلى القـعـعـاد عـلى المتـكا
(تتركهم زليخا وتتجه إلى الداخل من باب البهو الداخل)

النساء :

صاحبتنا غاوية فذلكه

طول عمرها محبكه

وعفشها وفرشها.... لا اتوصف ولا انحكى

جوزها وعزيرها... شايف طلبها

ياريتها كانت راضيه بنصيبها

نصيبها يا اختى ماهوش عاجبها

دول من سنين متجوزين

مافيش بنات ومافيش بنين

ودا بيقى عيبه وللا عيبها؟

غلطت وسابها.. ولا حاسبها ولاضربها

يادوب عاتبها

واقعه لشوشتها..... ومن حوستها

طلع حبيبها مش.... بيجارها

شغفها حبه ولا دارى بها

(تدخل زليخا من البهو الداخلى، ومعهما صينية كبيرة

عليها أطباق تفاح وسكاكين، وتقدم لكل واحدة طبق

وتفاحه وسكيناً).

النساء : وتاعبه نفسك ليه ... وكل ده على ايه

زليخا : حاجه بسيطه لأجل التحية

انتم قـدومكم اغلى هديه

كان ودى اقدم لكم عنيـا

يا اخواتى دا انتم غاليين عليا
النساء : ورينا مين اللى شغل بالك
واللى جماله يفروق جمالك
ومن دلالة اتغير حالك
ورينا دا احنا اتشوقنا له
عايزين نشاهد حسنه وجماله
أصوات : اظهر وبان... عليك الامان ياسيد الحسان
مجاميع : دلوقتي حال اح تشوفوه
النور ولما يبان لكم راح تعرفوه

(يظلم المسرح ويظهر نور ابيض متحرك ثم يضيئ
المسرح والنساء واقفات مشدوهات وعلى السكاكين
وعلى الأيدي لون أحمر).

النساء : تهنا ولا درينا سارقانا سكينه
الجرح فى قلوبنا والدم فى ايدينا
زى القمر نوره ظهر
هو ملاك وللا بشر
توب الجمال وعليه تاج الكمال زينته
زليخا : شفتم حلاوته قد ايه
وقلبي ليه بيميل اليه
النساء : مسكينه يالى هويتى البدر مسكينه

تَهْنِئَا وَلَا دَرِينَا
زَلِيخَا : آه من قسوة قلبه آه
يبقى معايا ومش طايله
يبعد عنى ويترجاه
يهرب منى واجبرى وراه
آه..... آه.....

النساء : عيني عليكى يا اموره
زعلاته ياختى ومقهوره
معهذوره وباه معهذوره

المؤلف : نفكر فى اللى متحرم وينحلل وينحرم
ساعات نبكى ونألم واحيانا بنتندم
ونرجع تانى مانحرم نفكر اللى متحرم
زليخا : ولا مره جه يسأل عنى
ولا راضى حستى يطمنى
كسر بخاطرى ماطاوعش امرى
وهو دا اللى مـجـنـنـى
حطيت عليه العين والنيه
يا إما يعقل ل يروح ضحيه
ولو خالفنى يا ويله منى

النساء : ح يلاقى زيك فين اما صحيح غلطان
ويروح ويبجي منين يا صاحبة السلطان

زليخا : هو الامل هو المنى
دى فرقته مش ممكنه وقسوته مش هينه
القصر كله فى خدمتى وفين كرامتى وعزتى
وازاى يضيع منى أنا
واللى كمان غطى وزاد
يعند ويثبت ع العناد ولا همه جاه ولا غنى
بينى وبينه فيه حساب
ولو يأست وطنى خاب ع السجن يخرج من هنا
مجاميع : ع السجن يخرج من هنا
النساء : يا حبة عينينا يا غاليه علينا
نفوتك بعافيه وابقى طمنينا

زليخا : خلاص نويتم يا اغلى صحنه
ماهو لسه بدرى خليكو حبه
النساء : سلام يا عاشقه بدر التمام
زليخا : ح توحشونا قروام قروام
خللوا الموده على الدوام
بقالكوا مده مابتببانوش
ابقو علينا ماتغيبوش
النساء : وابقى زورينا وعرفينا ايه هى اخبار الغرام

(زليخا والنساء خارجات)

زليخا : مع السلامه الفين سلام
ياللى لسانكم متبرى منكم
ومافيش وراكم غير الكلام

(يدخل العزيز والشاهد)

الشاهد : كل العيون مفتحله وبقت فضيحه مجلجله
الناس بتتكلم كثير
من الصغير للكبير ماسكين فى سيره مهلهله
العزيز : معناها افقد سمعتى
وسطوتى وسلطتى واشوف بلاوى متلتله
الشاهد : قربت توصل للحقيقه

(زليخا وهى خارجة)

زليخا : فكر بقى وشوف لىك طريقه تحل بيها المشكله
العزيز : يوسف لايد نجسه
وكل من طول لسانه نخرسه والنار تبطل شعله
المؤلف : وهو يوسف ذنبه ايه

تجننى على المجنى عليه وظهره واضح للملا
العزیز : من بعد حسنه ما اشتهر كل الى شافه يلفته
ح نحجه عن النظر وندارى سحره وفتنته
الشاهد : الناس ح تعرف الحسب
العزیز : الناس مسيرهم يسكتوا
المؤلف : بقى دا جزاء اللى بيخلص نيته
يوسف ح يرجع بعهد حيين
من بعد ايام او سنين تترد له حرته

لما تروق المسأله

عايزين يحلو المسأله والمسأله سبيله
خلى الحساب يوم الحساب هو احنا ناقصين برجله
من غير ورق ولا قلم ولا مسطره ولا منقله
تنحل اجدع مسأله عشان جناب المتهم
يخلصوه من التهم يتشطروا ع اللى انظلم
ويقولوا هو اللى جنى ماهى كل تهمه ممكنه
والحق جوا السلسله

ضمير ونام على ريش نعام
الاعتقال من غير سؤال والاتهام من غير كلام
ولا محكمه ولا مظلمه وقوام قوام
مادام بيعرف الحلال من الحرام
مادام بيعرف عن مواكب الزحام
مادام ما عظمش المقام ومادام مادام
ما ينويه غير البهده

(المؤلف يرفع القميص والهجايع تردد وراءه)

حقق وبص وشوف آدى القميص معروف
السرفيه معلوم
وبراءة المظلوم
والصبر ع المقسوم هو الدوا الموصوف
فيه لطف م اللطاف
وامر بالإنصاف
وابن الحلال لو شاف عنه الحجاب مكشوف
حقق وبص وشوف

المشهد الثالث
(السجن)

(ننازين ضيقه على طول المسرح، وفى الوسط زنزانة
يوسف تسطح منها الأنوار)

مـــــداحين : يوسف يا صديق يا كـــــريم
ياما فى الحبس كـــــتير مظلالم
والمولى بعـــــبـــــاده عليم
المـــــؤلف : يالى السجن احب اليك م العصبان

ياللى هجرت الدنيا وفضلت القضبان
مايهـمـمـكـش القـاضى
طول ماضـمـيـرك راضى
راح تشـعـر دايـمـا بأمان
حـاسـب وانت سليم النيه
تضعف أو تدخل فى الخيه
عزيمه قويه ونفس ابيه
ح تـخـليـك انت السلطان
لو حـاطـين رجليك فى حديد
وكـلايشـات ماسكين فى الايد
بيـرـاءـتك راح تـبـقى شـديد
والل ضعيف هو السجان

(يدخل الحراس و معهم السياط)

الحراس : السجن فيه تأديب
السجن فيه تهذيب السجن فيه اصلاح
وكل مجرم اساء
لا بد يلتقى الجزاء والمجتمع يرتاح

(يخرج المساجين من الزنازين على انغام القيود
والسلاسل فى الأيدي والأرجل)

المساجين : مساجين بقى لنا زمان مساجين

مساكين ومهما كان مساكين

زنازين فى كل مكان زنازين

زنازين وتحت الأرض .. ملهاش لا طول ولا عرض
الفـفـفـرش هو البـبـبـرش
ومافـفـفـيش شعاع ببـبـبـخش
سد الحيطان سد التوافذ والبـبـبـبان
ومافـفـفـيش امان
واللى اختفى راح فى الخـفـفـا ولا بان
كل اللى جم من قـبـبـبـلنا
واللى ح ببـبـبـجوا ببـبـبـدنا
الكل يتـبـبـبـساوى هنا
ينسى الزمـبـبـبان ينسى المكان
وينس كونه فى الوجود انـبـبـبـسان
عشان نخالف رأى فرعون ننحبس
على اى كلمه وأى همسه تنهمس
يا ما الوشاه ... بالزن فى ودان الطفاه
خلوا السليم ببـبـبـتوكس ويتنكس
وعشان نقرر ونعترف يعذبونا
وصوت ألم فى ودهم يصـبـبـبـح نغم
مع كل سـبـبـبـوط ببـبـبـضربونا

وينحبس صوت الضمير

وينخرس صوتنا معاه

وأهين وآه لو قلنا لأ

وأهين وآه لو قلنا آه

المساجين :

مساجين ... مساكين زنازين

مداحين : المذنبين المجرمين بينهم برئ

والسجن فيه اللى عدل جنب المسئ

يامين يفك كريتته ويحل عنه كل ضيق

المؤلف : ماينفع الانسان غير حكمة الرحمن

الشرع له احكام والعدل له ميزان

شرق وغرب شمال ويمين

فى هواهم رايعين جايين

مختلفين على دنيا ودين

عم الظلم فى كل مكان

حبسوا العدل مع المساجين

فى زنازه من القسوانين

بين الناس مين يحكم مين

الحاكم هو الديان

وما ينفع الانسان غير حكمة الرحمن

(يدخل الحراس معهم سجينان جديدان، هما ساقى الهلك

وطباخ الهلك ! المتهمان بدس السم للملك) .

الحراس : السجن فيه تأديب

المساجين : اهلا يا اخوان الهنا ايه اللي جايكم عندنا
كل اللي جم من قلبنا واللى ح ييجو بعدنا
الكل يتساوى هنا
ينسى الزممان ينسى المكان
وينسى كونه فى الوجود انسان

(الحراس يخرجون)

الحراس : السجن فيه تأديب

المساجين : مساجين مساكين زنانين
الطبّاخ والساقى : بعد المناصب والمراتب اصبحنا معزولين
وسط اصحاب السوابق فى السجن مرميين
مستنظرين حبل المشايق ونشكى حالنا لمين
المساجين : يا اخوانا حكايتمكم ايه
وايه رممـــــاكم عندنا ايه
دا اللى يخش هنا برجليه
يطلع بعد حبابى عنيه

الطباخ : طبخ خصوصى الملك أسبك له مايريده
عندى فطاره وغداه وعشاءه فى مواعيده
من ايدى ياما شبع وشبعت من جوده
وازاي اخون لقمتى وأنا عيشى فى ايده
السياسى : نديم وساقى الملك اهدى اليه الكاس
محسود لقربى اليه م الحاشيه والجلال
ليه يتهمنى وليه يسمع وشايه الناس
من بعد انس وصفا ويشك فى الاخلاص
المؤلف : يا صاحبى السجن فيه واجب على الاصحاب
يتناصحوا ويفرقوا ما بين خطأ وصواب
ويوسف الصديق عنده سؤال وجواب
الكون ح يمشى ازاي لو كترت الارباب
سبحانه واحد مالوش تانى هو الوهاب
باب الفرج عنده مهما استحكت ابواب
يا صاحبى السجن توبوا واسألوا التواب
التوبه تشفى عليل القلب واللى انصاب
والدنيا فيها عمل والآخره فيها حساب
المساجين : اتورنا ولينا امام عنده العلم من العلم
وكلامه وحى والهام عارفينه وعارفين احسانه
بيصبرنا من إيمانه
ويظهرنا من الآثام والأوهام والأصنام
ويفسر لنا الاحلام

الطبيب : حلفت انى فوق دماغى عيش كثير
الطير بتاكل منه وتترجع تطير
المؤلف : المنحوس هو المنحوس لو علقوا على راسه فنوس
مـوال : اجل مكتوب ومين يهرب من المكتوب
ومين نصيبه يبات غالب ومين مغلوب
مـداحين : اللى انكتب له شقاه جزاه وراح يلقاه
اتفسـرت رؤياه والعلم عند الله
الساقى : شفت فى منامى وانا ما بين عناقيدى
باعصر شراب الهنا واقدمه لسيدى
المؤلف : المسعود على طول مسعود بيعود للسعد وموعود
مـداحين : اللى انكتب له نجاه يافرحتـه ياهناه
اتفسـرت رؤياه والعلم عند الله
مـوال : يا عبيد فى شدتك حلفت بالانفراج
وان جالك العفو يبقى العفوم الفراج

(الحراس يدخلون بالتيممة المعهودة، السجن فيه تأديب، ثم يتجه كبيرهم ناحية الطباخ ويخاطب الحراس).

الحـارس : امسكوه.... كنفوه... جرجروه... اسحبوه
ع المشنقه يالا خذوه
صدر الحكم بالاعدام من غير نقض ولا ابرام
المؤلف : المنحوس هو المنحوس

مـــــــــداحين : الى انكتب له شقاه

(كبير الحراس يتجه نحو الساقى ويخاطب الحراس)

الحـــــــــارس : الحكم صادر بالبراءة والاعتذار عن الاساءة
فكوا له أساره ردوا له اعتباره
عزوه... كرموه.. ولوظيفته رجعه
المـــــــــؤلف : المسعود على طول مسعود.....
مـــــــــداحين : الى انكتب له نجـــــــــاه
المســـــــــاجين : بختك بيستناك ابقى افكرنا هناك
الســـــــــاقى : يوسف هو الى بشرنى كنت فى ضيقه وبصيرنى
وبينصحنى ويدبرنى مش ممكن ابدا انساه
ولا ح انسى ايامى معاه يوسف يا صديق يا اصيل
ندر عليا ل أرد جميل وأساعد فى الشدة زميل
(يخرج الحراس معهم الساقى والطباخ، وهم ينشدون التيممة
الخاصة بهم.. السجن فيه تأديب... يظلم المسروح لحظات ثم
يضئ علاقه على مرور الزمن والمساجين يجلسون القرفصاء،
وقد وضعوا ايديهم على خدودهم).

مـــــــــداحين : ويا الزمن بنـدور وتفوت سنين وايام
وعيون تشوف النور وعيون تعيش فى ظلام
وناس معاهم كاس مايفكروش فى الناس

وعواقب المقدور بعلم م العلام
 مــــــــــــــــوال : يا عيني ع الطبع لما يلعب الانسان
 يهرب من الفقر أو ينفد من الحرمان
 ينسى زمان شدته ينسى ان ليه اخوان
 وتشغله نعمته والقرب م السلطان
 سيبك من المخلوق خليك مع الخلاق
 وابعد عن المرزوق واطلب من الرزاق
 المولى ما بينساش وكل شئ بأوان
 المساجين : اللي افكرنا فيه امل نفد بجلده وانشفل
 ولا سأل ولا اتصل واللى وصل اهو وصل
 فرحنا بيه لما اتنصف والخال عن الخال مختلف
 فاتنا نقشر فى البصل وهو غرقان فى العسل
 يادنيا ليه حالك كده هو الوفا بالشكل ده
 وان كان كده ايه العمل وامتى حالنا يتعدل
 دا اللي افكرنا فيه امل نفد بجلده وانشفل
 المؤلف : ودى حكمه المولى عشان يوسف يتنه سجين
 ول حد ما يتنصف قدامه لسه سنين
 والفضل لله ومين غيره بينصف مين
 الحراس يدخلون : السجن فيه تأديب
 المساجين : مساجين
 مداحين : يوسف يا صديق يا كريم

المشهد الرابع

(فى قصر الفرعون .. السريير بجوار العرش .. والملك نائم
يدخل سبع (بقرات) سمان، وسبع (بقرات) عجاف، وسبع
سنايل خضر وسبع سنايل يابسات .. البقر اشخاص تلبس
ماسكات وذيول، وبنات بملابسهن يمثلن السنايل الخضراء،
ورجال سود يمثلون السنايل اليابسة).

مــــداحين عجائب الزمان غرايب الأوان
اتفرج يا إنسان
خلف خلاى الاوصاف والاحجام والأوزان
البقرات العجاف بتطب فى الميزان
تهجم ولا يتخاف ع البقرات السمان
عجائب الزمان
الحايل ويا النابل وفى نفس المكان
لكل شئ مقابيل المكسى والعريان
والأخضر م السنايل واليابس الدبلان
عجائب الزمان

(الملك يستيقظ من النوم يتجه ويجلس على العرش
يتحرك الحلم فيقف خلفه).

المــــلك : حلم عجيب .. حلم غريب .. شغل البال والتفكير

ما بين حقيقه وبين خيال.. كأن فيه حكمه ينتقال

يا هل ترى ايه التفسير؟

المجاميع : يا هل ترى ايه التفسير يا هل ترى ايه التفسير؟

الملـك : يا حجاب يا حراس

(الحجاب والحراس يدخلون) نعم مولاي

الملـك : هاتوا لى الحاشيه والجلال وهاتوا كمان نديم الكاس

الحجاب : صدر لنا امر الساعه وأوامر مولانا مطاعه

وهم خارجون : تجهز فى التوقفى الساعه وعلينا السمع والطاعه

نستدعى الحاشيه والجلال ونحجب له كمان نديم الكاس

المؤلف : أهم ع الباب هناك واقفين وتلقاهم كمان بايتين

وراهم ايه ح يجروا عليه مادام آكلين هنا وشارين

ولما الفاس تقع فى الراس لاتلقى الحشايه والجلال

ولا تلقى نديم الكاس ولا الحجاب ولا الحراس

الحاشيه : مولانا احنا حاشيتك تحت الطلب

يدخلون اطلب تلاقى اللى انطلب

نحكى لك اللى اتقال ونقرا اللى انكتب

فنن وأدب..... رقص وطرب

وان كنت عطشان فسيه هنا بنت العنب

بس انت تأمرنا وح تشوف العجب

مولانا نحن حاشيتك تحت الطلب

الملـك : لا وقت هزار ولا فايق انا محتار ومتضايق

مع الافكار ومش رايق

عمركم شفتهم هزيل يبلغ سمين
 ولا يتغلب رفيع على التخين
 معركة بين البقر الضعيف فيها انتصر
 والسنايل سبعة خضر وسبعة يابس
 هو انا فتحت عيني وللا لسه
 حلمي شغلني كتيير
 خد وقتي والتفكيير
 مين يعرف التفسيير
 مجاميع : مين يعرف التفسيير
 الحاشيه : مولانا حلم يشغلك من غير سبب
 ويضيع عليك وقتك ووقتك من ذهب
 خلينا في السهره نشوف ايه ينشرب ايه يتلعب
 بس انت تأمرنا وح تشوف العجب
 مولانا احنا حاشيتك تحت الطلب
 الملك : ح اجمع رجال دولتي وح اعمل استفتاء
 يقولوا ايه رأيهم وهم في وعيهم
 ويفسروا رؤيتي من الألف للياء
 الحاشيه : فليحيا الاستفتاء
 المجاميع : رح نعممل استفتاء
 الملك : يا حجاب..... يا حراس
 الحجاب : نعمم مولاي

الملك : استدعو فوراً... سمو الأمراء... والكهنة العظماء
وأفاضل الحكماء ومعالي الوزراء وسعادة الوكلاء
وكبار الخبراء والنواب الفضلاء
الحجاب : صدر لنا امر الساعة.... وأوامر مولانا مطاعه
تجهز في التو وفي الساعة وعلينا السمع والطاعة
نستدعي فوراً... سمو الأمراء... والكهنة العظماء
وأفاضل الحكماء... ومعالي الوزراء وسعادة الوكلاء
وكبار الخبراء والنواب الفضلاء

المؤلف : فرعون ماكنش بيتفرعن ماكانش أهوج ولا ارعن
في عنفوانه وسطوته... مشهور بعقله وحكمته
وفي البلد له همته.. وفي الشدائد يتجدعن
الدكتاتور المستنير... من طبعه انه يستشير
ولا حد يفتى غير خبير.. ولا حد يقدر يتملن
الحجاب : يا مولانا.. وصل سمو الأمراء
الملك : اهلا سمو الأمراء
الأمراء : يا سمو... ولا نأ.....
أحنا قبيلة الملك في كل حاجه غتلك
أحنا سلالة الآلهه..... متعودين ع الابيه
أهل الحسب.. أهل النسب.. وفي الغنايم نشترك
نحن سمو الأمراء
مجاميع : اهلا بسمو الأمراء

الحجاب : يامولانا حضر الكهان العظماء
الملك : اهلا بالكهـان العظماء
الكهـان : يامولانا
احنا أصحاب الكهانه والوطانه والمعابد والطقوس
لنا الكرامه والمكانه والمهابه فى النفوس
الآلهه بتحبنا وتعزنا وادت لنا أكبر طواقى على الرؤوس
نحن الكهـان العظماء
المجاميع : اهلا بالكهـان العظماء
الحجاب : يامولانا حضر افاضل الحكماء
الملك : اهلا بأفاضل الحكماء
الحكماء : يامولانا
قالوا فى مثل لكن قديم اللى يقول رأيه السليم
يا إماما مجنون أو حكيم
يا امور متحكمه والحكمه وهبه م السما
والمجتمـع يلتقى دواه عند الحكيم
نحن افاضل الحكماء
مجاميع : اهلا بأفاضل الحكماء
الحجاب : يامولانا ... حضر معالى الوزراء
الملك : اهلا بمعالى الوزراء
الوزراء : يامولانا
احنا الوزراء والاداره والشطاره كلهـا

مسئولين عن البلد واهلها
عارفين مشاكلهم وعارفين حلها من اصلها لفصلها
ورغم مركزنا الخطير والسلطة والجاه الكبير
قدامنا فيه الغاز كثير ل نحلنا.. ل نحلها
نحن مسؤولي الوزراء
مجاميع : اهلا مسؤولي الوزراء
الحجاب : يا مولانا.. وصل سعادة الوكلاء
ملكك : اهلا بسعادة الوكلاء
الوكلاء : يا مولانا.....
احنا الدلالة والوكالة ع البلد مالناش مثيل ولا بديل
قبل اللي فوقنا ما اتولد فى خدمة العمر الطويل
اجيال تموت وسنين تفوت
اما القواعد والروتين دول محفوظين
والختم فى درج الوكيل
نحن سعادة الوكلاء
مجاميع : اهلا بسعادة الوكلاء
الحجاب : يا مولانا... وصل كبار الخبراء
ملكك : اهلا بكبار الخبراء
الخبراء : يا مولانا احنا الخبراء نعرف نكتب .. نعرف نقرا
وينستكتب وينستقرا ومعانا شهادات من بره
احنا الخبراء وغيرنا ما فيش واللى ما يعرفش ما يفتيش
اسأل دايم اهل الخبراء

نحن كـبـار الخـبـراء
 مجاميع : اهلا بكـبار الخـبـراء
 الحجاب : يامولانا..... حضر النواب الفضلاء
 الملك : اهلا بالنواب الفضلاء
 النواب : يا مولانا.....
 احنا المراكز في الدواير بنحدد الخط اللي داير
 ونؤيد الجـمـوعـة اللي ساير
 الناخبين متعشمين وياما قلنا في المحاضر
 قاعدين على الكرسي المتين والعين نظر والرأى حاضر
 مجاميع : اهلا بالنواب الفضلاء
 الملك : انتم رجال دولتى بتمثلوا سلطتى
 جمعتم كلكم وانتم من العارفين
 وانا ياما كرمتمكم واديت لكم نياشين
 وفي احتياجي لكم مين اللي يصدق مين
 مجاميع : مين اللي يصدق مين
 الوفود : يا صاحب التيجان والملك والصولجان
 نقول على رأينا ويبقى لنا الامان

 المجاميع : نقول على رأينا ويبقى لنا الامان
 الملك : كل احد في اختصاصه اللي ييفكر براسه
 بين ايديه يلقي خلاصه
 انا شفت حلم من الاحلام.... لكن محيرنى

لا عمري جاني زيه منام.... يامين يدبرني
افستونى فى امـرى
الوفود : احكى لنا يامـلانا منامك
فـرجنا آخر احلامك
الملـك : عمركم شفتـم هزيل يبلع سمين
وللا يتغلب رفيع عـ التخين
معركه بين البقر الضعيف منها انتصر
السنايل سبعة خضره سبعة يابسه
هو أنا فتحت عيني وللا لسه
حلمى شغلنى كتير.... خد وقتى والتفكير
مجاميع : مين يعرف التفـسير

(تبدأ مشاورات جانيه بين الوفود، ويتحرك كل وفد أول المسرح
ويقول رأيه بعـيدا عن الملك).

الامـراء : صاحبنـا غرقـان فى الاحلام
يحلم لو نام يحلم لوقـام
نحن سـمـو الامـراء
المـؤلف : اهلا بسـمـو الامـراء
الكهـان : كل اللـى بيـشـوفـه فى المنام
كوابيس واضـفـاث احلام
نحن الكهـان العظـماء

المؤلف : اهلا بالكهــــــــــــــــان العظمــــــــــــــــاء
الوزراء : احلام ايه بقى دا اسممه كلام
اهى مش غوليه والسلام
نحن مــالى الوزراء
المؤلف : أهلا أهلا بهــــــــــــــــالوزراء
الوكلاء : احلام مــــــــــــــــخالفه للأحكام
من غيير لوايح ولا اختتام
نحن ســادة الوكلاء
المؤلف : اهلا بســادة الوكلاء
الخبراء : ح نكشف مــــــــــــــــافيش كلام
ياريت نزوغ قــوام
نحن كــار الخبراء
المؤلف : اهلا بكــار الخبراء
النواب : حــة منام آخر انسجام
واحنا كــان عــايزين ننام
نحن النواب الفــضلاء
المؤلف : اهلا بالنواب الفــضلاء
المــك : حلمى محيرنى.. يامين يدبرنى افتونى فى امرى
المؤلف : الحلم اصــبح مــشكله
بتــعرض على الملا
ومــاعادش ينفع حنجله ومنجله
خلاص سمعنا همسكم قولوا بعلو حسكم

وماتكتموش فى نفسكم ايه رأيكم فى المسأله
مين فيكم المسئول مين له نظر بيطول
يكشف عن المجهول الرد بين أيوه ولا
الحلم مين ح يفسره ياللا يا شطار فكروا
واتشطروا لو تقدروا يا إما لا حول ولا
(يتقدم كل وفد إلى الملك ويدلى برأيه)

الامراء : يا مولانا عندنا حفلات واستقبالات غير المشاريع
وورانا مهام نلحقها قوام ل تضيع ونضيع
وح نفضل ليه رايعين جابين ويا التأويل ويا التخمين
ما احناش فاضلين
مولانا... نحن سموا الامراء

المؤلف : هم قبيلة الملك فى كل حاجه تملك
هم سلالة الآلهه اتعودت ع الأبهره
اهل الحسب اهل النسب وفى الغنايم تشتترك

المجاميع : اهلا بسموا الامراء
الكهّان : يا مولانا

عشان حلمك فضلنا تدور داير مايدور
وقتمنا وجرقنا بخور
غممنا زنا الآلهه بندوق

وقدمنا لهم قرايين ولسه علينا مش راضيين
مولانا.... نحن الكهّان العظماء

المؤلف : هم اصحاب الكهانه والرطانه والمعابد والطقوس

79

مولانا نحن معالى الوزراء
المؤلف : هم الوزارة والاداره والشطارة كلها
ومسئولين عن البلد وأهلها
عارفين مشاكلهم وعارفين حلها من أصلها لفصلها
ورغم مركز الوزير... والسلطة والجاه الكبير
قدامه فيه ألغاز كثير... تحله أو يحلها
مجاميع : أهلا بمعالى الوزراء
الوكلاء : يا مولانا.....
حلمك أشبه بالفوازير والاحلام زى العصافير
كل مانقشها بتطير دورنا فى كل الأضابير
مش عارفين المختصين ولا صادر بيها قوانين
مولانا.... نحن سعادده الوكلاء
المؤلف : هم الوكاله والدلاله ع البلد مفيش بديل
قبل اللى فوقهم مانولد فى خدمة العمر الطويل
اجيال تموت وسنين تفوت
أما القواءعد والروتين
دول محفوظين والختم فى درج الوكيل
مجاميع : أهلا أهلا بالوكلاء
الخبراء : يامولانا.....
بخبرتنا ودرايتنا لقينا الحل بيحير
وياما امور بتتفسر وترجع تانى تتغير
ومهما كنا بنقدر مافيش غير اللى متقدر

نحبيبها شمال نحبيبها يمين
ما هـش نافعـه ومـش نافعـين
مولانا.... نحن كبار الخـبراء
المؤلف : وفد الخبراء يعرف يكتب يعرف يقرأ
وبيستكتب وبيستقرأ
ومعاهم شهادات من بره
وفد الخبراء وغـيره مافيش
واللى ما يعرفش مايفتش وأسأل دايمـا اهل الخبره
المجـاميع : أهـلا أهـلا بالخـبراء
النواب : يامـولانا.....
عشان حلمك عققـدنا لجان
وناقـشناه لـسان بلسـان
واصـدروا بشـانـه بيـان
وصوتنا لصالحـه كـمان
وكنا كلنا صاحـبيـين
يعيش الحـلم للنايـمين
مولانا نحن النواب الفضـلاء
المؤلف : هم المراكـز فى الدواير
بيـحـددوا الخـط اللى داير
ويأيدوا الجـو اللى ساير
الناخبين متعشـمين وياما قالوا فى المحاضر
قاعدـين على الكرسى المتين والعين نظر والراى حاضر

(تنسحب الوفود وفدا وفدا ، ويقدمون أنفسهم وهم خارجون ونحييهم الجميع).

۷۲

(النديم يخرج)

المؤلف : آن الاوان تفكر اكمن لك حاجه
وكنت ناسي ومش فاكر ولا حاجه
الخلق منسبه طول ماهيه محتاجه
ويبقوا عز الطلب لو عندهم حاجه
(التديم يرجع)

النديم : يا مولاى
 أنا رحمت له على طول
 قال السقّال محلل
 يوسف بعث بي قـول
 سبع سنين أعـيـاد
 وحصاد ما بعده حصاد
 ويبيجى من بعدهم
 سبعة عجاف وشداد
 ويعدد آخر سنة
 تعود سنة بالهنا نلقى فيها الزاد
 مجاميع : اتفست رؤياه والعلم عند الله
 الملك : هو ذا رأى السـديـد
 ع الخط ماشى لم يحيد
 الحلم ده ... بيقة قول كده
 وفكرته متحدده بالشكل ده

مفـيـد ومنه نستـفـيد
النـديـم : يوسف بينـصـحنا بقليله نكتـفـي
ونوفر المحصول لوقت ما يـخـتـفـي
ننظر بعـيـد... ونعـيـد نـظـر
واللى ما يـبـصـش لقـداـم يـنـكـفـي
المـلـك : إـفـرـجـجـوا عنه وهاتوه
فى مـجـلـسى وشـرـفـوه
النـديـم : أنا رايـح على يوسف اجيبه معايا من سجنه
يـخـرـج : قـرار العـفو ويايا وبشرى عن رضاك عنه
المـلـك : رأى مـبـنـى عن دراسـه
رأى من صـاـحـب فـراسـه
إـعـلـمـوا يا اهل السـيـاسـه
أفـهـمـوا يا اهل الكيـاسـه
اللى زيـه هو يـنـفـع للوزاره والرياسـه
مـرـال : الفاضى والمليان من البيان بيـبـان
ومن اللسان قاضى يحكم على الانسان
الطبل على الفاضى مايملا غير الودان
امـا الكلام السليم لو توزنه بميزان
تلقاه على الكفه لازياده ولا نقصان
(النديم يـدـخـل)

النديم : مـولـاى.....

الملك : لوحدك ليه وفين يوسف ماجاش وياك
وانا اصدرت لك مرسوم تجيبه معاك
النديم : معناه العذر يا مولاي
سجين رافض يفاك القيد
بدون تحمقة
وطالب تسألو عنه
عشان تتأكدوا انه شريف وبرئ
وان قضيتته فئات
وراحت شكوته وضاعت
وكانت تهمة تليف
ويا ما سنين قضاها سجين
ومظلمته يقولها لمن وسجانه من الواصلين
وفيه نسوه من الشاهدين
وسمعوا وشافوا بعينهم
وكان سجنه على ايديهم
ولييه قطعوها بالسكاكين
الملك : يا حجاب يا حراس
الحجاب : نعم مولاي
الملك : ابعثوا للسيدات الفضليات
اللاتى كن هن الشاهدات
يجوا يحكوا لنا عن الفصل اللى فات

الحجاب : صدر لنا امر الساعه وأوامر مولانا مطاعه
تجهز فى التوقف الساعه..وعلينا السمع والطاعه
نستدعى فوراً السيدات الفضليات
اللواتى كن هن الشاهدات
ييجوا يحكوا لنا عن الفصل الذى فات
مـداحين : سنين فى سـجـنه مـرار
لا يزور لا يزور
العفو جاله رفض يخرج من الأسوار
ماكائش عاصى ولا جبار ولا غدار
وكان فى بحر الهوى بيقاوم التيار
لايد يظهر براءته ويكشف الأستار
من حق كل برئ يكون له رد اعتبار
الحجاب : يا مولانا.....
وصلت السيدات الفضليات اللواتى كن هن الشاهدات
مجاميع : يا ميت مسـا يا ميت مسـا
على عيون حزب النساء
الملـك : أهلا بالسيدات الفضليات
السيدات : مولانا إحنا سيدات المجتمع
فى كل حـفـله بنجـتمع
حرم السفـير ... بنت الوزير

اخت المدير ... خالة الغففير
بنات ذوات من عائلات
وسيدات من بيت كبيير
وصاحبات مركز قوى ونفوذ خطير
بضحكه حلوه مننا.. ودمعه تلمس خدنا
نطلب وناخد حقنا... لما نحكم رأينا
كلامنا لازم يتسمع
مولانا احنا سيدات المجتمع
مجاميع : ياميت مسا ياميت مسا.. على عيون حزب النسا
السيدات : السر كله بعلمنا... ولا حاجه تخفى عننا
واللى هناك واللى هنا... يوصل لحد عندنا
بالشوف يا إما بالسمع..مولانا إحنا سيدات المجتمع
المجاميع : يا ميت مسا يا ميت مسا.. على عيون حزب النسا
السيدات : الصيت معانا والغنى.. ومحسودين على بختنا
وياريت بيهدا سرنا.. مين زينا مين قدنا
فى الجد وللا فى الدلع.. مولانا احنا سيدات المجتمع
مجاميع : ياميت مسا ياميت مسا.. على عيون حزب النسا
الملك : انتم النص اللى بيكمل بنانا
انتم البسمه تريحننا فى شقانا
وانتم النسمه تصاحبنا فى خطانا
بس حافظوا ع المكانه والأمانه
لاجل مانبنى البلد وانتم معانا

السيدات : مولانا احنا سيدات المجتمع
وقت اللزوم ننسى الدلع
الملاك : يوسف بيستشهد بكم... اقوالكم ايه ؟
كل اللي شفتوه بعنيكم.. احكوا لى عليه
السيدات : احنا ماشفناش من يوسف غير انه أصيل
وذنبه انه بنقاوته وحلاوته بخيل
يوسف مثال من الكمال وفى الجمال مالوش مثيل
معقول دا يبقى من البشر دا ملاك نبيل
مارضيش يكون خاين وينكر للجميل
يوسف برئ وجنى عليه كونه جميل

(امرأة العزيز تدخل)

إمرأة العزيز : الامر يا مولاي وضع... وجيت أقدم اعتراف
الحق صحصح واتضح يوسف مثال طهر وعفاف
جماله خلانى أحبه... هويته واتميت قريه
قفلت باب القلب عليه... ورحت ادور على قلبه
وهم بيا وهميت بيه ظهر له برهان من ربه
انا راودته على شبابه سببت له كل عذابه
وازاي أخسونه فى غيبابه
يوسف برئ من كل سوء
يوسف بعيد عن الظنون وعن الفتون

يوسف أمــــــين
هو الــــــامين يعــــــرف يــــــخون
مهمــــــا يــــــكون.. مهمــــــا يــــــكون
ســــــام حــــــنى يــــــارب القــــــلوب
خــــــلاص نــــــويت إــــــنى أــــــتوب
فى دــــــم عــــــتى دــــــابت ذــــــنوب
وشــــــم عــــــتى قــــــريت تــــــدوب
لو أنــــــول مــــــنه الســــــم مــــــاح
تــــــهــــــذا وتــــــهنا لى الجــــــراح
العــــــفــــــو يا ســــــيد المــــــلاح
قلــــــبى المــــــجــــــرح.... ذــــــنبى انــــــفــــــضح
لكل مــــــن عــــــرف وشــــــاف.. والامــــــر يا مــــــولاي وــــــضح
وجــــــيت اقــــــدم إــــــعــــــتــــــراف
الحق صــــــحــــــصح واتــــــضح يــــــوسف مــــــثال طــــــهر وعــــــفاف
المــــــلــــــك : الــــــيــــــوم عــــــن الــــــامــــــس اخــــــتــــــلف
والعــــــفــــــو عــــــمــــــما ســــــلف
وتــــــبــــــقى عــــــبــــــره مــــــن الســــــلف
وبــــــعــــــتــــــبــــــر بــــــينــــــها الخــــــلف
(النساء خارجات و معهن زليخا)

المجاميع : ياميت مسا يا ميت مسا.. على عيون حزب النسا
مـداحين : من بعد ماسجنوه.. وفي الإيد الحديد خطوه
لا حـققوا وياه ولا حاكموه ولا نصفوه
هانت عليه بلوته.... وعنده امل فى الله
اتبرأت ذمتـه لما اراد مولاه
طلع من السجن والسجان بيترجاه
خرج بأمر الله والعدل خد مجراه
إمشى فى طريقك عدل... عن سكتك ماتتوه
مـوال : الصبر مفتاح الفرج... فى الشده وف وقت الحرج
الكرب مهما زاد... مايززع الايمان
خلى الايمان لك زاد... لا تضيع ولا تنهان
النصره ليها ميعاد... باذن م الرحمن
شوفو البرئ الى انسجن صبح العزيز لما خرج
دا الصبر مفتاح الفرج
الملـك : هو دا المعقول ودا الرأى السديد
ع الخط ماشى لم يحـيد
الحلم ده بيـقول كـده
وفكرته متـحدده بالشكل ده
مفيد ومنه نستفيد

(الحلم يتحرك تدخل زفة تصاحب البقر السمين (عليه مناديل
بأويه وترتر) ورجال معهم حراب يصاحبون البقر العجاف).

الزفة

البقر السمان : يا جـزارين سنوا السكاكين
يا طبـاخين قـيدوا الكوانين
يا راـيـحين قـولوا للجـايـين
من ده بـكره بـقـر شـيـين
يا اصـحـابنا يا اصـحاب العـجـول
كـتـر العـلف بـر سـيـم وقـول
واللحمـه كـتـير من غـير طـوابـير
مـيـن كـان يـقـول
صـافـى الخـليـب يا ولـدى
خـيـرك كـتـير يا بلـدى
لا جـيـنـه ولا سـمـنـه هـولـدى
الـبلـدى يـو كـل الـبلـدى
ح نـعـيش ونـصـرف عـن سـخـا
وحـيـاتنا بـيـه مـسـخـسـخـه
فـى الـابـهـه والـفـخـفـخـه
ورينـا يـديـم الـرخـسـا
لا جـوع ولا فـقر وحـفا ولا عـيشـه نا شـفـه مـقـشـفـه
حـتى الـدماغ مـتـكـلفـه

كلوا واشربوا هنا وشرفنا
البقر العجاف : حاسب عندك ماترعاشى
يا طور الله فى برسيمه
وفى غيبك ماتلهاشى
وتحسب رينا يديمه
دا ياما تخسين بيتاكل
وياما كبار بيبقوا صغار
وياما هزيل طلع واكل
نزل واكل ولا المنشمار
وأدى حالة الدنيى
بتتغير مدى ثانيه
تدوم ازاي مادام فانيه
وفيه أشواك مع الأزهار
وليل بيمع بعد نهار
ياريت العلم كان ماشى
بأحكامه وتعاليمه
ياريت الناس ماتنساشى
إله الناس وتحكيه
حاسب عندك ماترعاشى
ياطور الله فى برسيمه
وفى غيبك ماتلهاشى

وتحسب رينا يديمه
مـوال : محال دوام المحال.... وعمره ما ينطال
المال ومهما كثر..... والعز مهما طال
والرزق موج ينحسر... عن العدل لو مال
حط اللي شال فى الهوا... ويا ما ملك وزال
ثبت أساسك ولا تبكى على الأطلال
كل الكلام اتسمع.. كل الكلام اتقال
وكلمة الحق فى سمع الزمن موال
السنابل الخضراء : احنا السنابل عددنا سبعة سنين
وخضره فى كل زرع
عسل وسكر وخير بيكثر
أكثر وأكثر..... الله أكبر
قوتنا وزادنا... وخير بلدنا
يسعد ولادنا.... وفى عيد ميلادنا
شموعنا والعه... واحنا السنابل عددنا سبعة
يا غصن يا اخضر الزرع بدر
فتح ونور والطرح بكر
النعمة زايدة وكل فايدة
علينا عايدة نجوم ولا معة
شموس وطالعة واحنا السنابل عددنا سبعة
مـوال : سبع سنابل ذهب اخضر وفيه لولى
سألت عن سرهم ضحكوا وقالولى

أحنا شباب الزمان... والخضرة لون الأمان
آن الأوان حضروا الشرابات ويللولى
مـــــــــــــــــوال : يا زارع الحب من نبع المحبه اسقيه
الحب فى كل حبه والأمل تحنيه
تضم ما بين ايديك طرحك وتفرح به
خد وادى جارك عشان ريك يبارك فيه
السنايل اليابسه : احنا السنايل اللى نشفت اللى فضلت م الحصاد
سبع سنين طوال عراض... غلاظ شداد
من بعد ما نشوف حظنا.... عز وغنى
النكسه.... بتعم البلاد
اللى اتزرع بينقلع... ولا نلقى زاد
ويضيع كده.. ويروح سدى
مع اللى راح جهد العباد
اتنططوا.. وزقظطوا
وخططوا.. وخططوا
بكره عـــــــــــــــــرق ودمــــــــــــــــوع
وكل زادكم كلوه... عشان تدوقوا الجوع
الاكل لو زاد بيتعب معدة المفجوع
المؤلف : العبيره خدها واعتبر يا معتبر
القمرش الابيض ينفعك يوم السواد
وان كنت ماشى بدون حساب
اعمل حساب من قبل ما يفوت المعاد

سبيده : القرش يا صاحبي ساعات بيملا الجيب
وان كنت ح تضييعه يبقى عليك العيب
ان شفت زادك زاد
دا لـيـكـ ولـلـاولاد
ومن النهارده ليكره ... دا فى علم الغيب
رجـل : يا صاحبه العمر يا غاليه يا ست البيت
إن كنت بيـاح تتوصى أنا اتوصيت
العقل والتدبير والقرش فى التوفير
أحسن من المونوكير والكحل والتواليت
والستر من رينا ولا الغنى ولا الصيت

(الحلم يرجع ويقف خلف الملك)

الملك : هو ذا المعقول ودا الراى السديد
ع الخط ماشى لم يحسب
الحلم ده..... بيـقـول كـده
وفكرته متـحـدده بالشكل ده
مفـيـد منه نستفيد
المؤلف : يا صاحب الامر مين يقدر يشاركك فيه
الى يشوف مكسبه من منصبه نحيه
واللى بيجهل ويتعافى كمان تعفيه
ومين يفيد أمته إلا أمين ونزيه

الخير ما بين العباد دور عليه تلاقيه
المالك : هاتوه ليا... هاتوه ليا... أشيله جوا فى عينيا
ويصفى لى ويبقى لى وصيه غاليه وهديه
داميت واحد من الاحباب وم الاصحاب وم الحاشيه
بدون فايده ولا عايده.... بيتلفوا حواليا
رواحد زيه يغنينى عن الميه
هاتوه ليا... هاتوه ليا
المؤلف : مين لينا غير يوسف.... نمشى معاه فى طريق
مطلوب فى وقت الفرج نعمل حساب الضيق
نحسم امورنا ونجرب البحث والتحقيق
نضرب على ايد عشان القرش ممدوده
ونحد من تخمه زايده وكرش فيه دوده
ونكشف الندل بيدارى الغلط بحريق
مجاميع : مين لينا غير يوسف نمشى معاه فى طريق

المشهد الخامس

سبع صوامع على هيئه أزيار لكل منها غطاء... البانوراما
التى ظهرت فى الفصل الأول لرؤيا الشمس والقمر والنجوم
مغطاه فى الخلفيه جنود العزيز (يوسف) حراس للصوامع باب
داخلى لمكتب (يوسف) الأرضيه تمثل الصحراء.

تابلوه الصوامع

(يشترك فيه الجنود على أنعام السمسيميه)

هنا الصوامع هنا الغلال هنا البضاعة وراس المال
هنا الخزائن والاموال عند الأمين ما يروح المال
سبع سنين سمن وعجين منهم خزين لسبعه طين
والوفر للأيام ينشال
لكل واحد من السنين فيه صومعه هنا للتخزين
ومعانا ولا حوجه لسؤال
من أرضنا فيه فضلة خير فضلت لنا وفاضت ع الغير
من غير فوايد واستغلال
متخزنه عندنا اصناف متأمنه ضد الاتلاف
ضد الحرايق والإهمال
مخببينها من العصافير ل تجي تنقرها وتطير
نقره فى نقره تهد جبال
فيه صنف ينفع للتوفير وصنف يطلع للتصدير
وكل جبه ولها كيال
المؤلف : الريح يظهر ما يختفيش منه ندبر منه نعيش
ولسد حاجه وفتح مجال
واللى مايمشيش بالتخطيط يا إما يا مجنون يا عبيط
ودى مسؤوليه مش استهبال
الجنود : من قبل مانخطى الخطا

شيل الغطا... شيل الغطا

المؤلف والمجماميع :

صومعه (۱)

يرفع الغطاء ويظهر من الصومعة رجل فرعونى معه شريط طويل من ورق البردى عليه رسوم وكتابات (هيروغليفية)

رجل الصومعه : خلاص ح ننفذ الخطه بدون زرقه ولا ورطه
وكل الخطه مرسومه على الخطه
وقبل مانكتب الخطه كتبنا على البلد يافطه
مافيش احقاد ولا حساد ولا فلفل ولا شطه
ح نمشى سلام فى دورنا تمام
بديل مانلعب النطه
وفنع كل من داخل بيتنا داخل
عشان السقطه واللقطه
ونقضى حاجتنا طوالى وتجري الميه فى العالى
مادام الحق م بيححتاجش للواسطه
مافيش داعى نوسط صاحب العزه
ولا نبعت هنا وزه وهنا بطه
مجاميع : هنا وزه هنا بطه

(يسمع أصوات مواء قطط)

المؤلف : مانتوش سامعين.. مانتوش .. شايفين
مجاميع : أيوه سامعين.... أيوه شايفين
المؤلف : البسسبس نو أول ماتشوف الجوا حلو
البسسبس نو بتاكل الجور
بس يابسس كفايه ويس
ولا بتسسحس ولا بتنسب
قطط تقرقش الزلط آخر لبط
بنسربها ترجع لنا
وينضربها تخريش فينا
ما أنتوش سامعين ما أنتوش شايفين
مجاميع : أيوا سامعين أيوا شايفين
رجل الصومعه : باب الكرارح ينضرب
قبل الخزين ماينة شط
كل القطط ح تتسربط
ولو لعبت لنا بديلها.. ح تفضحها جلاجلها
ونربطها فى سلاسلها..... ولا تسمن هنا قطه
خلاص ح ننفذ الخطه.... بدون زنقه ولا ورطه
وكل الخطه مرسومه على الخرطه
المؤلف والمجاميع : حط الغطا .. حط الغطا

صومعه (٢)

الجنود : من قبل مانثى الخطا كل الامور متخططة
يكفينا شمر اللخبطة
المؤلف والمجاميع : شـيـل الغطا.... شـيـل الغطا
رجل الصومعه : على الماشى .. مانلقاشى.. طريقنا سكه مسدوده
ولا بنتعب ولا بنغلب.... ولا اعصابنا مشدوده
بطلنا الزيته... وسندنا الحيطه
ولقينا الحلقة المفتوحه
عملنا حساب وألف حساب وهيانا من الاسباب
لأجل سلامة الاعصاب نسينا شئ كان اسمه عذاب
نفوس هاديه ومرتاحه فى وقت الشغل والراحه
ودق الخـيـر على الابواب

(أصوات مزامير وتصفيق وطبول)

المؤلف : مانتشوش سامعين
مجاميع : ايوا سامعين
المؤلف : مانتشوش شايفين
مجاميع : أيوا شـيـل شـيـل
المؤلف : زمامير... صفاير.. الطيل كتير.. والكوره شراب
اصوات هتافات.. خلاقات خناقات.. غير سب وعاب

زغاريد وصوات.. بن وشرابات.. من غير اسباب
ولعنا النور.... وطففينا النور
وفتحنا الباب... وقفلنا الباب
رايحين جايين.. ماحناش لاقين لسؤالنا جواب
مانتوش سامعين مانتوش شايفين
مجاميع : أيوا سامعين.... أيوا شايفين
رجل الصومعه : مآدام الحال مآهوش عاجب
علينا نعرف الواجب
وايه مطلوب من الطالِب
ودور الشَّاب والشَّابِيب
نصلح نفسنا الأول ونتبدل ونتحول
نحافظ ع اللى له معنى وينفعنا من التقاليد وم العادات
ونتغلب بعزم جديد على الازمات
ونعرف نستفيد ونفيد من الخدمات
وتتفرغ مصالحنا لصالحنا بدون اتعاب
بنسأل آل اييه يريحنا
ولو نسأل عليه روحنا تلاقى جواب
أيادى بيضه مفروده
ونيه خالصه محموده
سكتنا الزيته.. وسندنا الحيطه
ولقينا الحلقة المفقوده
المؤلف والمجاميع : حط الفطاط.. حط الفطاط

صومعه (٣)

(رجل الصومعه ومعه التسعيره على ورق البردي مكتوبه
بالهيروغليفى ورسومات بيضاء وفرخه وصابونه)

رجل الصومعه : خلاص السوق ماهش سوره
وكل السلعة موجوده بدون كميته محدوده
ومين يخالف التسعيره تبقى وقعته سوده
جوه الصوامع... فيه بضائع
فيه أمانه... فيه ودايع
فيه صيانه... فيه مراجع
فيه نظام سارى ما بين شارى وبائع
يحفظ الحق اللى ضائع
يوقف السعر اللى زى السهم طالع
بعد الأسعار المسعوره
حددنا خلاص التسعيره
المؤلف : التسعيره.... التسعيره
دى ماهش نكتته ولا فزوره
اليافطه حقيقى ماهش عيره
خشوا وعابنوا واشتروا
البياعين على الزبون بيدوروا

خايفين يضايقوا المشتري
مايلاقوا حد يشترى
فى سعرهم بيخسروا
من ربحهم بينقصوا ويحمدوا ويشكروا
التسعييره.... التسعييره
المجاميع : دى ماهش نكتته ولا فزوره
اليافطه حقيقى ماهش عيره

رجل الصومعه : مافيش عجب اصل السبب
العرض أكتترم الطلب
والمشترين اتنوروا.... بيوفروا ويديروا
يكفى الضروريات... على ايه كماليات
لزمته ايه يفتجروا ويبعتروا
وعوده يا زمن عوده
خلاص السروق ماهش سوده
وكل السلع موجوده بدون كميته محدوده
ومين ح يخالف التسعييره تبقى وقعتته سوده
المؤلف والمجاميع : حط الغطا ... حط الغطا
الجنود : من قبل مانتشى الخطا
المجاميع : شليل الغطا

صومعه (٤)

رجل الصومعه : بقينا فى حال خلاف الحال... وراق الببال
وأصبح حالنا عال العال
ولا ننتـ... ذل يوم لـ...
بلدنا كنوزها مليانه وفيها الخير وفيها المال
وتحت الأرض فوق الأرض فيه الرزق ما بينفـ...
يعوز شـ... عال عشان ينشـ...
مافـ... عـ... ولا بطل
مزارعنا مصانعنا... بضايـ... مشاريعنا
تساعى غيرنا وتساعنا ألف مجال.. حلال فى حلال
المؤلف : طب والمشـ... الوهمـ...
مكشـ... وللا مـ...
وولاد الـ... الحـ...
اللى غـ... انتـ...
بيـ... سمك جـ...
ونـ... بـ... النـ...
الفـ... مـ... فى المـ...
وللا الأـ... زى مـ...
رجل الصومعه : بنينا اساس متين وسليم.. من الاخلاق وم التعليم لأجل ماتـ...
الاموال.. لأجل ماتـ... الاعمال ماصدقناش كلام دجال
وما وقعناش فى إيد محتال وجد فى جد مش فوضى ولعب عيال

أولاد وينات : بلدنا هي أمنا احنا لهما وهي لنا
بنحبها وتحبنا والحب يعمل معجزات
بنراعي حالة أهلنا ونؤدى فرض ربنا والواجبات
لا هلوسه ولا خنفسه لا روميوهات ولا جوليتات
والورشه زى المدرسه فيها تلامذه واسطوات
رجل الصومعه : آه يا سلام ... دا جيل تمام ... باكى على مستقبله
ولا حاجه عنه تشغله
لاجل النجاح... لاجل الفلاح.. يقضى الساعات
يسهر يبات.. ما يحس ان الوقت فات
الجيل دا له مهمته... ماشى عدل فى سكته
ويكره ح تيان همته... ويسد دين عليه كبير
لا سرته ولا متته.. يدى الكثير مايقولش هات
كل الولاد كل البنات غسل على سكر نبات
ومريحين الابيهات والامهات
مبروك على الجيل الجديد.. مضمون له مستقبل سعيد
احسن من الجيل اللي فات
المؤلف والمجاميع: حظ الغطا .. من قبل مانشى الخطا .. شيل الغطا

صومعه (٦)

رجل الصومعه : صفينا مافى قلبنا خلاص وتينا لربنا
صبح الوفاق والاتفاق بعد الخلاف والاختلاف

وايد فى ايد... الخير يزيد.. وربنا بيحبنا
موحدين صوت النداء.. عشان غايتنا موحده
فيه عندنا أنوار قريبه.. تدلنا على الهدى
وليه نجيب افكار غريبه.. معقده مستورده
متمسكين بأصلنا.. واصلنا يدلنا
ولو خلفنا وعدنا.. ح نلاقى روحنا لوحدا
ولو نسينا ربنا.. الذنب يبقى ذنبنا
المؤلف : واللى بياكلوا عقلنا.. ويمخولونا ليل نهار
ويمرجحونا ع اليمين وع اليسار
ويقلبونا مع البياض ومع الصفار
ويحمررونا جوا طاسه زيتها حار
ويحرمونا م العرق والجو نار
واللى احنا بنبيع له الشجر... بنشترى منه الخضار
رجل صومعه : لولا مصابيح السما لولا الآيات الملهمه
كان البصر صابه العمى والدنيا تبقى معتمه
المؤمنين متجمعين مافيش كده ولا كده
والعصمه للحبل المتين ايه الى ح يطوله العدا
لما نقول واحد أحد على طول بتنحل العقد
ومادام قلوبنا ع البلد مافيش مشاكل تنوجد
صفينا مافى قلبنا خلاص وتبنا لربنا
صبح الوفاق والاتفاق بعد الخلاف والاختلاف
وايد فى ايد... الخير يزيد.. وربنا يحبنا
حط الغطا.. من قبل مامشى الخطا.. شيل الغطا

صومعه (V)

رجل الصومعه : آخر الكنوز... هو الذى فيه كل الكنوز
والذى إنا بتعوزه نلاقيه.. مهما نعوز
على قد ما نأخذ وبتزيد البضاعه
له باب كبير حراسه فى غاية الوداعه
بيرحبوا لما الزبون يروح لهم فى أى ساعه
يقولوا له اهلا يا جـمـيـل
الله يبارك لك وشيل... اغرف وشيل
على قد ماتقدر تشيل
ان كان كـتـيـر وللا قليل
اما التمن من غير فلوس
الكنز فيه رضا وسعاده للنفس
ولو نتوه عنه نلوص... وتصير مجاعه
المؤلف : باللى معـاك كل الحلول
ودعوتك فيها القبول
اكشف لنا سرك وقول
حكاية الكنز المـهـول
وبسقى فـيـن واذاى نطول
وتعالى غشى بالأصـول
ونشوف طريقه للوصول

99

المجاميع والمؤلف : شـيـل الـفـطـا
جميع الصوامع : حـسـط الـفـطـا

(تابلوه الجمال)

(يدخل إخوة يوسف وعددهم عشرة ، كل واحد معه جمل
صغير ، على عجل الأخ الأكبر يحدوهم ويغنون وراءه).

يا عم يا جمال ياسايق الجمال
غنى وقول موال آه م الزمن لو مال
فايتين بلاد وبلاد
سنين علينا شداد والصبر بيننا طال
رحلت انا وناسى
من طول ما بنقاسى
عذر الرجال قاسى والدهر له احوال
لما الامين نلقاه
فى عزته والجاه
الخيرح يبقى حداه مايرد لينا سؤال
نعطيه تجارتنا
من جوده ح يغيتنا
ونسد حاجتنا ونعاود الترحال
يا عم يا جمال
جنود يوسف : العزيز فى مكتبه ماسك مهام منصبه
وتقدروا تشوفوه اتفضلوا قابلوه

مـداحين : اللى فـاتوك واللى باعوك
دلوقتى جاين يسألوك
سنين طويله وانقـضت
وبتـفـتـكر ايام مـضت
طال الحنين.. لبنيامين وامك وابوك
يا هل ترى ايه جرى لهم بعد ما فقدوك
إخوه يوسف يخرجون: على العزيز يا سلام يا سلام
راجل لذيذ ومقامه مقام
حب البلد عنده عـبـاده
وف ايده سلطه وسـيـاده
بيأدى واجـبـه وزياده
يقعد مع ده ومع ده مع الجماهير والساده
لا بابه مقفول كالعهاده
ولا لبـه حـمـرا منقـاده
ادنا عـ الحب شـهـاده
وكان ما بينا وبينه كلام
حكينا له عن احـوالنا
وخـد خـبـر باللى جرى لنا
عطانا أكتـر ما سألنا

وما كانش يخطر على بالنا
باين عليه طيب وامير
ونفسه حلوه وقلبه كبير
رايحين نجيب له بنياامين
واحنا باذن الله راجعين
يادوب مسافرة السكه قوام
على العزيز ياسلام ياسلام
(إخوة يوسف يملأون أوعيتهم من الصوامع ويحملون الجمال)

رجال الصوامع : خدوا من خيرنا مايكفيكم
وح نبسطكم وح نرضيكم
إخوة يوسف : كتر خيركم.. كتر خيركم
لنا مين غير المولى وغيركم
مش ممكن ننسى جممايلكم
واستقبالكم لما نجيلىكم
ويندعى يارب يقدرنا
وف موره نعرف نجاملكم
وهم يخرجون : احنا حبايب.. احنا جيران
بيننا موده.. بينا أمان

(يستعدون للرحيل)

مــــــــــــــــوال : اهلك ولما رموك كان سهمهم جارح
شاء القدر يعوزوك لما التقوك فالح
مديت ليهم ايدك... وربنا يزيدك
ناسى الأسيه وصافى النيه ومسامح
شوف النهار ده ازاي يفرق عن امبارح
يارب ديم نعمتك على عبدك الصالح
المؤلف : من زاده زودكم... والخير عليكم زاد
حتى بضاعتكم... رجعت مع الزواد
خايف عليكم تعانوا من بوار وكساد
وما تملكوش ترجعوا ولا توفوا بالميعاد
يوسف وكلك حنان ولنظرتك ابعاد
والعفر والاحسان شأن الكريم لو ساد
راجعين على اهلكم ومعاكم التموين
واترد فى رحلكم الى انتو بيه جايين
وفيه طلب واحد تستأذنوا الوالد
وتجيبوا بنيامين
ومين ح يأذن لكم من بعد يوسف مين

(إخوه يوسف يدخلون بالجمال مره أخري و معهم بنيامين)

ادينا رحنا وجينا وبنيامين فى العير
الشيخ ولا آمن ليننا ودموعه كانت نواعير
خد وعد وعهد علينا نحميه من كل وعير
ونصوته جوا عنينا ونزود حمل بعير
الجنود : العزيز فى مكتبه اتفضلوا قبالوه
ماسك مهام منصبه وتقدرنا تشوفوه

(إخوه يوسف يدخلون مكتبه)

ممداحين : يا بنى امين روح عند أخوك
يارى حبه من امك وابوك
عيسونه تفرح لو يشوفوك
احكى له عن اشواق وهيام
عن انتظار بسنين وايام
وعن عيون بالليل ماتنام
غير الدموع ماتلاقى كلام
إخوه يوسف : كسرم العزيز هو هو
كله شهامه ومروه
(يخرجون) جهزنا وادانا الميره
وعلىنا افضاله كتييره
بين حاشيته حلو السيره ودخل قلوبنا من جوه
اسرنا عطفه وجميله

والورد خـــــــــــــــــلاتنا فـــــــــــــــــيله
وخرجنا واحنا ندعى له يارب تدى له القوة
رجال الصوامع : خدوا من خـــــــــــــــــيرنا.....
إخوه يوسف : كتر خـــــــــــــــــيركم.....
الجنود : احنا حـــــــــــــــــايب.....

(الجمال تقف وتبدأ القافلة فى الرحيل)

احمد الجنود : وقف عندك وما تشيش فيه تحقيق فيه تفتيش
الجنود : لازم نحقق وندقق لا بد ننبش ونفتش
عشان نشوف اللى يسرق واللى بيهش وبينتش
العجز واضح والنقصان
وكل شئ فى النور بيبان والجرم عن صاحبه بيقتش
اول ما بتفوح الريحه
فضيحه بتجر فضيحه وعيار بصيب وعيار يدوش
حكم القانون بيساوى رؤوس
فيه الرئيس زى المرؤوس وخيار وفقوس ما يهمش
اصل الضمير لو يتغير
ان كان كبير وللا صغير ما بنعتقوش ولا بنطنش
خلاص شعبنا من الالاعيب
وانتم بتتبروا من العيب مش عيب عليكم ما يصحش
الجنود : مافيش ادب ولا تربيه

يا جماعة دانتم حراميه

اتلموا واتداروا شويه

هو احنا فاتحينها تكيه واللى انفتح ماينسدش
مجاميع : وقف عندك وماقمشيش فيه تحقيق فيه تفتيش
إخوه يوسف : حرام عليكم دا احنا اضيف عندكم
جايين يا أهل الود نطلب ودكم
مالناش حبايب ينصفونا بعدكم
عمره مايجصل او يكون
من بعد معروفيكم نخون
لينا فى بلدنا اصلنا وفصلنا
ومعروفيين بنبلنا وفصلنا
وهو ايه بعد الشرف يفضل لنا
قولولنا ايه ضاع منكم
وان كنا عارفين سكته... ح ندلكم
الجناد : ضايع صواع الملك وعليه سؤالنا والطلب
مختوم ومدموغ بالذهب وصنعت له العجب
هو العيار المعتمد هو السند والمستند
وله كتاب فيه الحساب اللى انطلب
واللى انكتب واللى انشطب
وان حد فيكم قال لنا... او دلنا... او التقاه
له جايزته حمل البعير ياخذ معاه
ضايع صواع الملك وعليه سؤالنا والطلب

إخـوه يوسف : متاعنا قدامكم شوفوه
 "بالتبادل" على مـزاجكم قلبـوه
 ان شـا لله حـتى تقـطـعـوه
 ولو اشتباهكم فى محله شدوا حيلكم طلعوه
 واللى فى رحله تقفشوه إوعوا تسيبوه
 حاسبوه على فعله وجازوه
 من حـقـكم يـكون اسيركم تحت ايدكم تحجزوه
 وحكمكم يمشى عليه وتنفضوه
 وابقوا اضربوه وعذبوه وأدبوه ووضبوه
 واللى انتـر عـايزين تـعملوه ابقوا اعملوه

(الجنود يقومون بالتفتيش)

الجـنـود : مين كان بيسرق مننا ويختلس من دمننا
 ياكل شقانا وكدننا عليه بيسرى حكمننا
 نستجوبه وندوخه ونكذبـه ونوبـخـه
 ونأنيه ونبوخـه ونخلـى عيشـته مطينه
 لا اما يبرئ ذمتـه ل نبعده ونشتته
 ونحرمه اهليته حتى ولو من اهلنا
 لكل واحد فرصته يثبت نزاهته وهمته
 والمحترم نثبتـه ويبقى سيدنا كلنا

(احد الجنود يخرج الصواع من رخل بنيامين)

الجنــدى : لقيت اللى ضـاع
ضبطت الصواع فى قلب المتاع
لبنيامين : حرامى وجسم الجريمه معاك
ودلوقتى حالاح تاخد جزاك
إخوه يوسف : يخيبك كسفتنا فضحتنا
لبنيامين بالتبادل : بهدلتنا ودى عمله تعملها هنا
تعملها وانت فى وسطنا العيبه تبقى فى حقنا
الناس ح تاكل وشنا ياريتنا جينا لوحدا
اصبحت سبه فى عرضنا إنت صحيح مش مننا
إخوه يوسف : دا اخونا لكن مش شقيق
للجنود بالتبادل : ودخيل على الاصل العريق
لما الحرامى يتزنى نعمل له ايه ماينقلق
مايتحرق مايندعق
دا بنيامين حبيب ابوه
أدى الصواع عنده لقيوه
طالع لمين طالع لآخوه كان له زمان أخ وسرق
مـداحين : شوفوا الكلام المختلف يكفيننا شر ماخلق
المؤلف : من قد ايه جرتم عليه دلوقتى وانتم بين ايديه
من غير لزوم بتسبوا فيه وما تعلموش إن النزيه
ما يسبب فيه غير السفه ويتصغروا قدام عنيه

1.9

انا فى عرضكم تسيبوه ياناس ياهوه
كتبتنا عقود وقلنا وعود وابوه مستنى لما يعود
همومه كتير... ودمعه غزير.. وسنه كبير
فقد يوسف وهو صغير وبنيامين كمان مفقود
عشان خاطر العجوز سامحوه
خدونى أجير.. خدونى أسير.. خدونى انا بدل منه
وأتحمل جزاه عنه.. ويرجع بالسلامه لابوه
الجنود : عزيزنا قال حساينا معاه
ويجسرى العدل فى مجراه
معاذ الله ناخذ غيره بذب جناه... معاذ الله
الاخ الاكبر : بلاش تاخدوه.... انا فى عرضكم تسيبوه
ياناس ياهوه

(الجنود يأخذون بنيامين ويدخلون مكتب يوسف)

مداحين : طال الحنين لأمك وأبوك
ياهل ترى ايه جرى لهم بعد ما فقدوك
يابنيامين روح عند اخوك
واحكي له عن ظلم الايام
وعن عيون بالليل ماتنام
غير الدموع ماتلاقى كلام
يوسف حبيبك فرحان بيك

عرف بحيلته ازاي يبقيك
 وان كان عليه في العين يدريك
 يفرد جناح عطفه يغطيك
 مما عطااه ربنا يعطيك
 ويتم فضله عليه وعليك
 الاخ الأكبر لإخوته : فأكبرين يوسف وللا ناسيين
 فرطتم فيه وف بنيامين
 يعقوب تاني مره يأمنكم
 ترجعوا ناقصين واحد منكم
 إخوة يوسف : في الأولى جازفنا وخاطرنا
 والثانيه ماكانت بخاطرنا
 في الأولى نوينا وببستنا
 والثانيه خلصت نيتنا
 الاخ الأكبر : آه وآه م الذكريات
 دي الحبيباه زى الممات
 والكلام زى السكات
 بالغباوه جمعنا اصبح شتات
 ذكرياتنا مؤلمه...وانقضى حكم السما
 يعني ح نرد القضا...وللا ح نعيد اللي فات
 آه وآه الذكريات
 إخوة يوسف : وح نعمل ايه.في العهد اللي احنا عاهدنا عليه
 الاخ الأكبر : مين يصدق تاني وانتم يا ما قلتم ماعدتم

اغلظ الايمان حلفتكم خدتم العهد وخلفتم
واتفقتكم واخستلفتم
إخوة يوسف : عمن مال من بدرى تعاييرنا
صابت او خابت معايرنا
صحيت او نامت ضمائرنا
ما انت كبايرنا
واحنا اللى كنا تبع امرك
ترجع وتاخذ على خاطرك
ولا تآمرونا ولا نآمرك
ولا تحساورنا ولا نحساورك
ولا تعاييرنا ولا نعايرك
الهم طايبلنا وطايلك
الاخ الاكبر : روحوا روحوا لروحكم
روحوا استلقوا وعيدكم
روحوا فتحو الجرح القديم
وجرحوا الماضى الاليم
خلاص نفد صبر الحليم
اننا فى الارض مشح ابرح
ولا ح ارسى على مطرح
وح اتغرب وح اطوح
ل حد الرب مايسمح ل حد الأب مايصفح
اجيب اخويا منين

وأودى وشى فــــــين
روحوا روحوا أمــــا أنا
قــــاعد ومــــستنى هنا
وحتى لو فــــاتت سنه... او ميت سنه
دى عــــودتى مش ممكنه... مش ممكنه
إخوة يوسف : وح نعمل ايه وح نعمل ايه
فى العهد اللى احنا مضينا عليه
(الأخ الأكبر) : قولوا لابوكم مش بايدك او بإيدنا
قولوا له صنا عهدنا لما اتعاهدنا
وازاي ح نسلم م القدر لما يعاندنا
يسأل البلد اللى كان فيها الحكايه
يسأل الناس اللى شاهدين الروايه
يسأل العيبر اللى رايحه
يسأل العيبر اللى جايه
لو كان ح يأذن ويسامح.. أنا جاي لكم
ولو عرفت اجيب اخويا راح احصلكم
له حكمه فى اللى بيجرى لى وبيجرى لكم

(إخوة يوسف يتركون الأخ الأكبر ويخرجون)

الأخ الأكبر : مشيت ويا الضلال مره
لقيت المعصيه مره

۱۱۴

(تدخل قافله إخوه يوسف ويستقبلهم الأخ الأكبر)

الأخ الأكبر : عملتم أيه... رجعتم لييه
احكوا لي أخبار الوالد وطمنوني عليه
الأخوه : ح نقولك أيه ونعبيد لك أيه
دا ابوك بيض له الحزن عينييه
وقال لنا روحوا للعزیز واما تقابلوه
ابقوا اترجوه يمكن يلين
بيعت معاكم بنيامين
يوسف كمان عندي أمل في الله تلاقوه
آخر نصيحه من الوالد ماتدخلوش من باب واحد
كانت وصيه وصاها هو اللي عارف معناها
وحاجه في نفسه قضاها ولا حد يغني عن الواحد
المداحين: شعره شايب دمعه سايب
انفطر قلبه اللي دايب
مهما يصبر أو يغالب
الاسى هو اللي غالب
انحرم عز الحبيب
مين يرجع له اللي غايب
إخوه يوسف : يا صاحب الديوان من بلادنا جينا
إوفى لنا الميزان واتصدق علينا
كل الضرر مسنا في مالنا وفي نفسنا

من يوم ما كنا هنا واليوم كأنه سنه
وتعـبـنا وشـتـقـنا
قلبك طيب وابن حـلـال
وحالتنا مش عايزه سـؤال
بضاعتنا على قد الحال
وغـيـر هـا م لـقـيـنا
من العشم راجعين وينقصك يا أمين
إعطف على المساكين واقبل مساعينا
الجـنـود : العـزـيز فـى مـكـتـبـه مـاسـك مـهـام مـنـصـبـه
وتقدروا تشرفوه اتفضلوا قايـلـوه

(إخوه يوسف يدخلون المكتب)

مـوال : يـامـؤمـنـين بـاللـه.. مـاتـيـأسـوش مـن رـوح اللـه
حـاكـم وحـكـمـه غـلب
ورحمته هى السبب فى قضاه
لما الايمان ينوجد
كل القلوب تنسعد وتهتدى بهداه
امل جـديـد يـنـولـد
يتعوض اللى انفقـد ويرجع اللى تاه
يـامـؤمـنـين بـاللـه

(إخوة يوسف يخرجون يحملون قميص وهم فرجون)

إخوة يوسف : هو بعينه.. يوسف وماكانش عارفينه
هو بعينه.. الدنيا كلها ملك يمينه
اللى احنا رمايناه بايدنا
هو اللى بيحزن علينا
عشنا وشرفناه بعينيه
له صولجانه وله نياشينه
وقرنا وباه فى المحظور
ولا حد منا معاه معذور
عقرو الاصيل هو المنظور
يشفع لنا باخلاقه ودينه
النبيه هى المطلوبه
وندمنا ونوبنا التوبه
أيام علينا ومحسوسه
والعهد لاتخالفه ولا نخونه
راجعين ووبانا قميصه
سليم ماقيش دم يعرصه
ولاجل ما ولادنا يهيصوا
ح نحرسه ونحميه ونصونه
هو بعينه.. هو بعينه
(المؤلف يتناول القميص من إخوة يوسف)

المؤلف : بص وشوف بص وشوف
أدى قميص يوسف معروف

لاعليه دم ولا مـقطوع
من نفحات الله مـصنوع
وخيوته بلسم مـوصوف
اللى الدمع طفى له عـينيـه
الانوار بتـهـل عليه
والمكفوف يرجع ويشـوف
(المؤلف يعطى القميص لإخوه يوسف)

اسبق يابشـير الفرح وطـير
على يعقوب يرتد بصـير
اسبق .. الحق .. حلق .. طوف
(رجال الصوامع يزودون إخوه يوسف)

رجال الصوامع : خدوا من خيرنا ما يكفـيكم
كل الخير متوفـر ليكم
وتعالوا وهاتوا اهاليكم
الجنود : احنا حبايب احنا جـيران
وح نبـقى اهل و خـلان

(إخوة يوسف يخرجون وهم يرددون .. بص وشوف)

مـداحين : يا عين للرؤيا مـشتاقه
ياد مـعه سـخنه حـراقه
مـسير الحى يتـلاقى
يا عين يا اللى بكـيتى بحـور
مـسيرك راح تشـوفى النور

وتبكي هنا وفطرط سـرور
جـواهر دمع براقـه
يا عين ع اللى الزمان مجافيه
يا عين لما الأوان يوافيه
قميص روح الحبايب فيه
وفيه البشرى سباقه
(تظهر بانوراما الشمس والقمر والكواكب الاحد عشر)

المؤلف : الشمس ويا القمر
امك وابوك حاضرين
وعشان ماتوفى الدين
والبـر بالوالدين
قربتهم ل اتنين ع العرش مرفوعين
واخواتك أحد عشر كوكب ولك ساجدين
والمولى لما أمـر
قـدر وشـاء القـدر
الفرحه مش سايعاك
وانحـتـت رؤياك
بفضل من مولاك وفزت دنيا ودين
المؤلف يعود لينام على مكتبه
(نشيد يوسف ياهدرك الدور)
(يعلق الستار ويفتح على الممثلين يوقظون
المؤلف، اصحى من نومك يا مؤلف)

صدر للمؤلف

ألقيت عصاى
فى الملبىان
ديوان فصحى
ديوان عامية

نحت الطبع

شارع الأفراح	مسرليه
جبلاية القروود	مسرليه
الجزوزا نولا	مسرليه
جنينه الحيان	أويريت
كلاكيت	أويريت
سر العاشق	ديوان
ببغاء الغرام	ديوان
أناشيد الطفل المسلم	ديوان
نعمة القرآن	ديوان
مداح طه	ديوان
فى حب مصر	ديوان
الأسماء الحسنى	ديوان

رقم الإيداع بدار الكتب

٢٠٠٢ / ١٦١٨٠

الترقيم الدولى

٩٧٧/٥٤١٤/٣٣/٤

حقوق الطبع محفوظة للمؤلف